

地理

武勝縣修志局敬贈

新脩武勝縣志

民國十九年 巳渝
魯吉芝署



民國十九年秋

武勝縣新志

无廣題

民國二十年歲次辛未仲春月

重慶長安寺進化印刷社代印

民國新修武勝縣志 卷首

序一

序曰民國十四年春開江羅君興志官武勝委縣議長章君憲爲修志局主辦楊君秉堃段君雲藩副之設局附縣議事會此新修武勝縣志所由始也於是章君集衆商定以某某任採訪某某任纂員某某任顧問某某任校勘規畫釐然惟總纂一席聘邑廩生龐鑫溶鑑峯君稱疾不就更聘唐君雪晴亦堅辭事遂擱置明年九月章君歿於局又明年縣人以龐君品行端重曾肄業蓉垣尊經書院有年文學尤優復推任主辦兼總纂時十六年古歷正月也龐君既接辦規畫益詳盡定纂員住局不兼他職計一寒暑乃始脫藁九月余承乏斯土整飭冬防數巡行東西鄉於風雪中覽徧嘉陵江百餘里奇山水穆然想唐時吳道子圖畫其間峭壁幽崖邃洞及穿山磐石人馬物類往往而是而留題摩刻足資邑乘甄錄者竟闕無聞焉抑又何也龐君以志稿既具冬盡遣纂員且

謝中校長職於次年春移局私宅閉戶獨自編理而加潤飾焉余亦於二月調返合川師部春泥鴻爪雪霽痕消而山水情長依依常相望也越今三載新志告竣當局諸君子累書囑爲序贊自惟學殖荒落而行篋又無書援據且未一披志稿何能應命乃楊君等一再草具始末以來敦要題署用志前緣殊不容默爾也猶憶在武時每政暇過局就龐君從容譚論審知新志體例係倣華陽國志而目次則略采秀山縣志其地理一篇以嘉陵大江爲經各溪流爲緯綱舉目張實出秀志右藝文則分繫各篇不標名目其例爲段氏富順縣志所創後之作者咸爭效之龐君蓋適與相合也其他各篇較舊定遠縣志都有損益而審酌縣情樹義精當尤覺青勝於藍焉此其大較也余雖未睹厥稿以此而論殆擷羣志之精英運一家之杼軸者可謂以簡馭繁文茂而旨遠矣其足與往代之朝邑武功永新萬載及新舊江陰諸志垂美流聲蓋無疑云乃龐君嘔心潤飾功未及半忽於十七年五月遭疾以歿嗚呼班孟堅之書康長公之志皆獨有千秋不獲及身完成以顯一手之烈龐君新志乃亦若是其無遺憾與

自是擱置者又半載幸揚君秉堃痛同志之又弱一个懼斯文之或墜垂成毅
然繼任主辦十八年改總纂爲主纂聘唐君雪晴又不至乃聘孫君執中張君
汝翼繼緒潤飾尅期一年成書十九年江蘇劉君寶謙知縣事亦殷念志事實
觀成之此新修武勝縣志所由成也是役也楊君秉堃熱心毅力孜孜不倦與
段君雲藩六年於局始終其事孫君執中張君汝翼皆積學能文謙抑勤勉故
克相與一乃心力彌補龐君遺憾甫八閱月而告厥成功爲志目十一如左方
翳維勝代實初啓疆考度申畫幅幘孔長有嘉陵江蜿蜒中貫東西廣土民物
饒衍津關界險是域是固名應時更江山如故述地理志第一

職司牧者百里寄命曰養曰教著于甲令或勵清廉或矢勤慎以誠感民民靡
不應獄職恤囚警職保安咸佐治理相濟猛寬述官師志第二

爰初奠治飛龍之偏民用弗康是度是遷有山如印有水如環經之營之規模
備焉迺區鄉鎮星拱雲連肆闢市政式煥新觀述建置志第三

泉清而甘土沃而膏地鮮荒廢人務勤勞勝朝寬大煩苛掃除永不加賦民安

厥居長有子孫不聞徭役世外桃源怡然自樂述田賦志第四

泮宮有芹多士采之改定學制崇實黜虛公私廣立頓新耳目農工百業咸必由學普通教育小學初基式施黨化男女等齊述學校志第五

文武廟祀俎豆馨香鄉射飲酒遐思舊章歲時伏臘婚喪祭葬繁華勿詡樸實是尙春秋祠墓必敬必誠民德歸厚翼翼繩繩述禮俗志第六

國家內寧人不知兵鋪遞空設驛傳僅存亦有奸宄時患閭閻民自爲衛特重保團清鼎旣革盜匪猖獗保甲編聯團練最力述兵防志第七

鄉舉里選代表輿情孝友忠義模楷羣倫老人星象於時嘉瑞節烈孝貞坤維正氣魁儒碩彥縉紳仕宦偉矣鄉賢後來渠範述士女志第八

先疇芒芒有穀有糖有油有布有諸雜糧內供食用外銷合渝物品溢出金錢來輸手工製造器利爲良善賈如舞蹠躡袖長述食貨志第九

經類有緯史亦有稗鑠錄餘譚味之良快矧茲邑乘文獻是徵攸資觀感放失惟兢豈伊嗜奇亦匪識小窮搜廣記論世之寶述雜識志第十

創始者艱繼亦匪易凡百皆然况乃志事始經三載繼方八月千秋偉業一朝
完責附綴補遺正譌存疑前事不忘後事之師述志傳第十一

中華民國十九年仲夏月 前任武勝縣知事簡陽傅鑄印節侯撰

序二

縣志爲國史之一部國史昉自國風春秋繼之遷史變春秋編年爲紀傳班史
復易遷史之書爲志後世不惟郡國鄉土諸志踵之而陳承祚紀三國事且以
志名縣志郡國鄉土類與國史同源而異流者也國史縣志自來有續惟時期
遠近不侔漢後易姓更代類纂前朝一代之事以與舊史銜接續國史然也縣
志則間數十年必一續俾其間丁口之增減政治之污隆賦稅之繁簡人文之
盛衰禮俗之因革官師之賢否以及農工百業之進退層遞詳紀不至歷時過
久傳聞失真由來久矣今年春予來權縣篆公餘閱縣志知始纂者爲邑人何
君休堂於前清嘉慶間以邑經明季兵燹志乘散佚旣鮮所徵更迫官限僅兩
閱月成書四卷其爲崖略也可知嗣歷經邑之陸譚王諸人於道光同治光緒

正勝縣志 卷一
間前後三續增爲六卷視舊志較詳矣而自光緒初元至今中間又歷一週甲
論學制變更人文蔚起教育普及民智銳開與昔徑庭亟應廣紀卽百業進步
物質文明亦宜登諸櫛杙使無逸漏矧國體更新行二十年有史以來未有之
新事業雖山陬巖邑亦漸舉行武勝履渝合戴岳順故爲李陽冰司馬光諸人
所游憩其被新文化行新事業頗不爲鄰邑後邑之擅史才者庸可愒日翫時
坐使六十年來縣事之可鑑可風可懲可勸者遺佚而弗之顧乎旣而詢之邑
人則第四次設局續志蓋已四稔於茲主辦總纂編纂採訪分途并進船功其
勤懸書國門當可計日以待矣頃修志主辦楊君葆田來謂續志將竣屬爲弁
言簡端予不文而無以辭之索其稿尙待校讎而全志起光緒初元訖民國十
八年計分地理官師建置田賦學校禮俗兵防士女食貨雜識志傳等凡十一
目知不特於舊續三十七目所剖載者隱括無遺必且正誤補缺翔實美備昔
歐陽公修新唐書成自謂賢於舊書今志集衆才之長駕舊志而上之可斷言
也雖然竊有望焉今國是久定舉地理之建設將遵總理建國方略所規畫者

子無逐漸而實施之不惟各地之富庶貧瘠行卽因之更易卽凡百業之進展
人文物質交通之變遷亦必隨之殊觀是舊續至今續中間六十年來所應續
者既如今志之續矣如是而又數十年以視今之新續恐其間所應筆削而續
之者又不第今志之於舊志已也則執筆以更續今志而爲將來之新志不能
不以望諸數十年後之擅史裁者是爲序

中華民國十八年十二月

署武勝縣知事酉陽陳雍必仁父識

序二

縣之有志猶國之有史也史紀國家之典章制度志載地方之風土文物修之
者難而續之者亦不易非具秋帆對山之才無以舉例發凡尤非用窮年累月
之功無以脫稿成編積學之士類能知之庚午之春余奉檄宰斯土方履任適
志局主辦楊君葆田以續修志稿進展而閱之爲卷八爲類十一其稽於古也
無附會之失其採於今也無遺濫之弊條例謹嚴文詞古茂方之續通鑑武功
縣志殆無愧色夷考斯志之續距王君竹堂前志告成之時已五十餘年矣綜

計五十餘年中戶口增若干賦稅加若干官師更若干義夫烈婦又若干苟不
表而記之必將湮沒不彰從此無聞楊君獨見其大經長時間之努力乃能以
稿付梓行見遠近流傳與史同功余不禁忻然以喜用書數言以誌公好

中華民國十九年歲次庚午孟夏知武勝縣事淮陽劉寶謙序

民國新修武勝縣志 卷首

例言

一本志因縣名更易人事變遷另行修纂凡舊志體例渙雜未盡適宜者悉加釐訂寓創於因爰定名曰民國新修武勝縣志

一地理重沿革形勝本志根據舊志復博采羣書考覈務詳扼要守險按籍可知極之山水原委靡不縷析條分或足資地理學研究其前賢所擬八景無關利害者則從略

一疆域形勢四至距離遠近以及城廂街道另行測量繪圖較舊圖爲精稿外增輿地經緯鄉村電話各圖縣治季節晝夜變化氣候變化各表並列四仲中星期有裨於政事其他縣署文廟天文分野各圖舊有今省

一官師自反正後名目迭異清以前由知縣起民國來由知事起綜以下各級彙列爲表冠以朝代有治績者另紀政略用清眉目

一建置內列載牌坊碣寨公私靡遺以牌坊勵世之資碣寨衛民之具雖非制

度所在究有關於政教民生也

一田賦以原額爲定歷年徵收多寡及地方附加畝捐團款與夫一切雜捐繁目均敘至民國十六年止後此未及登載中坵門戶丁口以閭閻增減關係國家強弱翼牧民者留心撫字毋徒催科

一學校爲培植人才之所國家元氣攸關縣中公私立男女各級學校均詳載入以驗中國文明之進步

一典禮至民國來興廢不一志中溯源窮流縷晰記叙半類餼羊並於祀孔儀節特別加詳用示尊崇孔教之意

一兵制歷代不同防衛地方則一本志叙次兵端匪禍戡亂情形坵以警察團練諸制因其同爲防務也

一選舉一門清以前仍依舊志列表自進士起迄五貢止民國則凡省議員縣議參會長員與各機關法團首領各學校校長視學督學等均得列表以其通由選舉來也至高級校畢業各學生有若前清進士等爲士子出身之路

故同列選舉表中

一孝義丈夫節烈婦女以及殉難死節之士除照錄舊志外更博搜表彰以勵末俗壽民壽婦亦列之尊老也至行誼不一有長足錄者則分別士女彙集列傳於後

一仕宦文武兩途限以實任實職其餘各種虛銜一概不錄以示區別惟民國宦途複雜仕止靡常原籍既無吏冊傳聞又鮮真確如有采訪未周者應俟將來續修補載

一食貨以本縣特出者詳爲誌叙餘但臚列品類以省繁瑣

一舊志藝文一門有類文選本志不立專門詩文果有足采附於各門之中其無門可附者雖佳不錄

一奇異瑣聞跡涉荒誕而事非捏造有關勸懲者統以雜識記之等諸稗史之列

一本志修纂作輟數次以致遷延歲月而採取各門資料檔卷又多殘缺第就

諮訪蒐集耳目所及者載入篇中誠恐難免漏誤惟希閱者諒焉

民國新修武勝縣志 目錄

卷一

序一

序二

序三

地理志第一 (經緯圖一全縣轄境圖一)(縣城街道圖一)表一

卷二

官師志第二表一

卷三

建置志第三 (公園風景圖十二)(鄉村電話圖一)

卷四

田賦志第四 表六

卷五

學校志第五 表一

卷六

禮俗志第六

卷七

兵防志第七

卷八

士女志第八之一 表五

卷九

士女志第八之二

卷十

士女志第八之三附傳

卷十一

食貨志第九表三

卷十二

雜識志第十

卷十三

志傳志第十一

本草通串十一

卷十三

本草通串十

卷十二

本草通串九

卷十一

本草通串八之三

卷十

民國新修武勝縣志職員姓名

總辦

武勝縣知事 羅興志

武勝縣知事 戴耀奎

武勝縣知事 徐舒

武勝縣知事 傅鑄印

武勝縣知事 劉子藩

武勝縣知事 陳雍

武勝縣知事 劉寶謙

主辦

清附生 章憲

清廩生日京師範畢業 楊秉堃

自治研究所畢業生

清廩生

段雲藩

龐鑫溶

主纂

清廩生雲南考職班補用巡檢

孫國藩

清附生

張汝翼

協纂

清附生

尹之任

清附生

王錫鑽

清附生

張汝翼

清附生

段守文

清廩生

段映光

清增生

夏繼禹

顧問

清 副 貢 袁 璧 成

清 增 生 秦 培 善

校勘

清 增 生 朱 秉 權

清 附 生 馮 鑄 唐

清 附 貢 王 鏡

中 學 修 業 生 胡 子 健

採訪主任

清 附 生 謝 虞 衡

清 附 生 曹 聲 翰

中 校 畢 業 生 劉 蔭 桐

職員姓名

一一一重慶進化社代印

省農業學校畢業生

劉敬思

探訪員

清附生

彭連城

清附生

何益謙

清附生

舒賢臣

金立齋

自治研究所畢業生

蕭玉田

川師畢業生

曹守文

川師畢業生

馮貫之

法政研究所畢業生

段源琛

師範畢業生

周如圭

彭瑞麟

中校畢業生

唐星槎

中校畢業生

李燮元

高小校畢業生

楊滋生

中校畢業生

李藩

師範傳習所畢業生

米花村

師範傳習所畢業生

舒文臣

胡安臣

李光國

冉徵卿

黎俊德

段錫章

測繪

日京鐵道畢業生

黎治平

合武銅大馬路測繪助理

黎昭湘

繪圖

國立成都大學預科畢業生

黃學光

鄉村電話傳習所畢業生

張瑞

謄錄

中校畢業生

周暘谷

高小校畢業生

陳楚賓

吳濟生

高小校畢業生

楊幼田

民國新修武勝縣志 卷一

龐鑫溶
張汝翼
同纂

地理志第一

周官大司徒以天下土地之圖周知九州地域廣輪之數而土訓掌道地圖以詔地事卽後世方志所由昉所以作民職也秦漢後郡大而縣增繡壤交錯畺界益繁而職方無專官地學無專門故州郡圖經存者無幾武勝邑僅百里前志畺域臚列地名有類簿書藻繪峯巒無關掌故施諸政治奚所取材茲從分率準望實測爲圖前紀沿革後仿水經注例詳其山水凡金石古蹟標柱分列俾談民治者有所攷焉作地理志

粵稽上世人皇分九州爲九圍巴蜀同圍國界靡分逮後昭爲巴始祖巴自爲國周爵以子巴子時都江州或治墊江或治平都後治閬中

據常璩華陽國志所引非周時卽有地名

土

宇遼闊秦始皇分巴蜀置郡於巴郡西北置墊江縣漢高帝八年巴蜀爭界不決青石山裂自上及下破處直若引繩於是界始判

李膺益州記

元和郡縣志作定遂合

二州之界考之今地青石山卽龍多山其地距合川縣百四十里距今縣治僅
百里治城山脈發源龍多知縣境於秦漢時屬墊江晉後分今縣境置漢初縣
南齊改漢初縣與宕渠宣漢東關四縣同屬西宕渠郡與墊江離西魏置墊江
郡因涪漢水合更名合州別置青居郡爲合州支郡漢初屬焉隋開皇初廢青
居郡入漢初縣嗣是漢初仍屬合州宋高宗南渡後北兵益熾彭大雅奉命入
蜀令郡縣圖險保民太尉甘閏至合州城釣魚山郡牧王堅發所屬五縣之民
以完其城漢初與焉

黃廷桂四川通志
無民氏釣魚城記

元初因兵亂縣廢分其地置定遠縣至元四

年剏武勝軍於女菁坪

卽蕪菁坪蕪與母音
近故或訛爲母菁坪

行和溪安撫司事尋升定遠州二十四

年降爲縣明初與石照銅梁大足同隸合州屬川東道重慶府治城在今縣北
河東十五里武勝山下名其地曰舊縣場嘉靖三十年知縣胡濂以江水壞廬
奏移廟兒壩卽今治清康熙八年併入合州雍正六年復設始專屬重慶府民
國三年廢多官階級制改府廳州爲縣察各省屬縣有同名者悉令更改定遠
縣在安徽四川陝西雲南凡四見乃據元武勝軍名義改爲武勝縣徵諸往籍

其疆域蓋截取漢初屬境之大半而益以新明和溪之附郭地合併來屬攷漢初之名始見於齊書州郡志但所載東宕渠獠郡與益州西宕渠郡皆有漢初未免歧出意漢初置縣當在齊以前齊時初屬東宕渠旋又改屬西宕渠故史文互見其實祇一漢初治所卽今縣屬西關砦下之傅家壩城垣基址猶存張唐英漢初學記謂其地勢卑下常有江水漲浸勘驗適符元和志稱縣東南至合州一百九十四里寰宇記梁大同中立新興郡後魏恭帝三年於今縣西北六十里置青居郡今以方位道里攷之亦密合無差青居郡本梁新興郡之改稱梁書無地志隋志乃補其闕是漢初於梁時已改隸新興郡爲附郭縣至隋廢郡乃自故郡城遷遼於茲歷唐宋靡易其轄竟據元豐九域志載有羊口沙溪新民龍泉鶴鳴太平新興七鎮按之明時定遠區分太平唐村清沙祝受萬安太山郁馬沙溪定遠新興十里猶略存舊名蓋新興卽青居古郡名羊口在清居之上卽今屬南充鶴鳴卽鄰封三廟場及興龍場等處今屬合川餘如沙溪各鎮劃入今縣屬境地名俱可指數而新民一鎮卽襲新明縣之舊名新民

縣自唐武德二年分石境東北竟置因辟太宗諱改民作明取新被明化之義本置於渠水中索鉞洲上聖歷二年合州刺史張柬之以縣多水害奏移嘉陵江東岸卽今縣城東十里龍王塘爽郎宏闢四城門石柱猶存矗立野田間中有園橋堙埋泥淖土人嘗發掘兜鍪古物其正西二十里爲清平鎮有新明古寺當爲古新明屬地原隸合州宋開寶六年移治軍溪鎮元初新明并和溪皆省入岳池和溪在宋以前本新明屬鎮開禧三年太守閻伯敏奏升鎮爲縣屬廣安軍其治城在今縣新場水福寺有殘堞古垠遺蹟和溪水曲曲縈繞流至三溪鋪大橋皆縣屬據是則武勝屬境河東各場大都皆古新明和溪舊地河西各場全由漢初分入碯鑿可證故由縣城起點北行至新場岳池界九十五里西行至臨江寺南充界一百三十里惟東南至合州界僅十數里蓋以合州統縣久一旦分縣劃界不肯割讓故方隅獨偪實則通籌行政區域當分合武界之二郎場屬潼南分萬古場至香鑪山屬武勝分武勝新場屬岳池臨江寺以上屬南充庶於編戶捕盜詰姦彼此治理較便今縣竟伸斜延長於合岳南

蓬潼間毗連之區暴徒竄越偵弋匪易縣遠者威令弗及近者限於領土刑賞罔施官民交困按圖而稽大致瞭然也然全境內實多良田沃壤農產豐蔚河東土膏尤厚穀稻碩蕃沿口實銷鑰江運商船飛輓米爲大宗其人民儉樸慧俊敦崇古俗顧以僻陋自封與方州大郡隔絕荒陬蟠鬱文化鮮通故士夫多急近功而忌遠圖近者倡修馬路議辦輪航地方實業逐漸改進望集羣策羣力和衷翊助用勸相我國家此國民之責也

地形者兵之助也班志列兵形勢十一家圖十八卷知古人行軍先圖其要害形勝而後能輕疾制敵武勝爲農產奧區非用武之地封域僻靜嘉陵江橫貫其中兩岸邊幅所至多大平原田連數千畝岡巒圍繞四周除河西高石坎以下九十里當順重通衢餘則鄉亭荒闕營汎久虛而縣城三面濱江面山聳翠進不易攻得不易守故自來變亂轉以孤城獲完顧就一邑窺測扼險之區因時異用在筭余玠守蜀徙合州於釣魚山築青居大獲雲頂天生十餘城元人不敢近者十餘載其後蒙哥築武勝城屯駐勁兵釣魚山罷困蓋當時緜潼順

蓬悉下廣安置軍兩翼既張故於江東岸據武勝爲中堅取建瓴勢以迫嘉渠
口下遊則規復重慶釣魚山納款宋祚遂傾論者謂玠棄平土但集各路兵於
近地不戰自守無遠馭之策此爲鑿蜀之本殆非苛論降至明季流寇鴟張無
險可據然李氏以昆季五人聚保城後西山卒資捍禦賊魁譚文據天生寨馮
險屠掠凶橫難制清時教匪之亂鄉勇畫江而守截堵整嚴乃賊從上流石盤
沱偷渡遂至蔓延河西則以民軍力弱非失險咎也咸豐之際滇寇何國梁以
五萬衆薄城而黃淳熙率三千湘勇登象鼻嶺觀形勢張疑兵於何家墳而躬
督兩翼以驅賊入江浮屍如鴛雖云天威實得地利非徼倖也嗣是四鄉紳耆
各築砦柵碁布星羅密於宅縣泊民國肇興匪氛四起鳴槍劫寨警告頻聞有
力者乃別擇要隘壘石爲礮購械招丁略能固守然未足以言一縣形勝也縣
中形勝大抵河西上遊有西關雄峙控閩果南來之要江水包圍縱橫十餘里
進駐萬人可畊可戰可守遵陸而下至百里有香鑪山大砦當渝合西行要隘
前後深溝可以設伏利於堽戰河東則新場高原坦闊太平寨崇岡繇亘當岳

廣合要衝均可設防置戍獨正東南逼近合川竟可與爲援蓋合川總匯涪漢渠本受敵地縣居上游其勢相連合川失縣有川北爲後勁猶可守縣失則合川難獨存矣凡此皆就戰地規畫若民國川戰過道輕忽祇供差徭郵傳未計及此而歷歲防軍僅駐近城腹地罕及邊境憇爲匪乘所防伊何一防匪提槍二防民抗餉耳然則欲求民族自決當鍊民軍自衛民不自衛孰其衛之此輿圖測驗所宜亟亟也若夫江山明麗坵壑清奇唐吳道元有嘉陵山水三百里畫圖鄉先輩復綴爲八景

曰平洲草色曰九洞晴嵐曰龍嶺鬱青曰竹溪涵碧曰書巖古
篆曰文筆奇峯曰立石干霄曰環江晚渡江國霖太史鑒定

巧儼虛摹

祇可供文士清賞不足以言地形利害也今不附贅圖亦從略

右圖全縣共二千二百方里以畝數計得五十九萬四千畝

凡境內市集津梁鋪塘道路山川形勝畢具於茲清初因明

之十里縮為六里縣城所在曰恩永里統縣城市集期四十七街子壩

縣東十五里市集期二五八真靜寺縣東南二十里無市清平鎮縣南十五里市集期三六九即漢初縣新明鎮協和場縣南十五

里市集期四七十舊名藍溪口場由清平鎮分出西南曰德清里統萬善場縣西七十里市集期一四七興龍

場縣西五十里市集期二五八復興場縣西七十里市集期二五八境內有沙溪口即明沙溪里漢初沙溪鎮龍女

寺縣北五十里市集期三六九華封場縣西北三十里市集期一四七舊名祝家場民國十五年場內士紳以其地有華封山因呈縣

署改今名即明祝受里新學場縣西三十里市集期三六九正西曰仁化里統走馬場縣西百一十里市集

期三六九半邊廟縣西九十里市集期一四七由走馬場分出安福場縣西百五十里市集期一四七屬於走馬場四面皆南充地烈面

地理 五 重慶進化社代印

溪 縣西九十里市集期一四七商務繁盛為河西冠 **臨江寺** 縣西百一十里市集期二五八由烈面溪分出初僅一寺清末始集為場即明新興里漢初新興鎮

新興即青居古郡以襲其名 **正西曰昇平里統鼓匠鋪** 縣北五十里市集期三六九 **石盤沱** 縣北六十五里

市集期一四七 **新場** 縣北八十里市集期二五八 **三溪鋪** 縣北六十五里市集期一四七由新場分出 **東北曰長樂**


里統飛龍場 縣東北七十里市集期一四七 **沿口場** 縣北三十里市集期二五八商務繁盛為河東冠場北有太平鋪即明太平里漢初太平

鎮 **舊縣場** 縣北十五里市集期三六九即今縣舊治明定遠里 **正東曰惠新里統樂善場** 縣東四十五里市集期

一四七 **雙星鋪** 縣東北四十里市集期三六九 **義和場** 縣東北五十五里市集期二五八 **都六里二十五場**

今場大者更名曰鄉

武勝縣輿地經緯度圖



附註

- 一、中華民國以北
平天文臺為經度
之中線本圖即倣
此分東經西經
- 一、縣志距省會偏
東南六百五十里
位嘉陵江下游

縣治經度在西經十度十一分

緯度在北緯三十度二十八分

縣治季節晝夜變化表

季 節	類 別		時 刻		
	日 出	日 入	晝 長	夜 長	
冬 至	六 三 四 五	六 五 四 三	一 〇 一 二	一 三 二 一	一 三 二 一
春 分	六	六	一 二	一 二	
夏 至	五	六 六 三 四	一 三 二 一	一 〇 一 二	一 三 二 一
秋 分	六	六	一 二	一 二	

五德詳其製...

...

附註 一 本表季節純用國曆

一 每年季節時間按國曆推算如左


冬至 在十二月二十一或二十二日

春分 在三月二十一或二十二日

夏至 在六月二十一或二十二日

秋分 在九月二十三或二十四日

縣治季節氣候變化表



附註 一 本表氣候變化按華氏寒暑計測定之

一 縣治位北溫帶中略帶海洋性氣候故寒暑相差尙無激變

縣治四仲中星

春分 戊初初刻 井八度午線中


夏至 戊初初刻 參十六度午線中

秋分 戊初初刻 觜四度七分午線中


冬至 戊初初刻 鬼五度十分午線中

武勝縣城畝

共計面積式六百七十二方丈



比例尺



畝	例
城垣	
城門	
街道	
小巷	
水澗	
竹樹	
學堂	
家廟	
牌坊	
義塚	

測繪主任 黎致平
助理 黎昭湘

中華民國十七年十一月製

山水

縣西一百三十里高石坎接武陵坵山縣亘至臨江寺嘉陵江經其下

嘉陵江源出陝西嘉陵谷經甯羌州合西漢水入四川南充李渡場西五里

高石礮入縣界接武陵坵山寰宇記一名凌江山在漢初縣西北九十七里

嘉慶南充志稱山在治南方位適合無九十七里遠殆傳寫之誤按今山北

南充境有羊口鎮古屬漢初今縣界起於高石礮知漢初劃界自此山斷故

縣屬凌江卽臨江音近而訛其發脈由南充林陰巖趣大壩口至縣境璇子

山清挺緜延煙嵐淨碧起伏處巖壑隱秀村落稀疏如武陵幽境故以是名

山下俯逼江干長涂一綫爲川東北要道東行繞茅林壩下長灘十五里至

臨江寺有二澗水來注源不遠卽本山岩泉下流也寺建於宋至正間重修

清乾隆時復修知縣薄宗矩有記

文曰昔昌黎韓子廬陵歐陽皆以儒排佛而時與高閑大顛密交晤言殆取其無害於儒實有功於

佛也余不學謬自託於儒而心獨好佛釋藏經典渺焉粗涉鈍根不鮮機鋒希宗禪悅未逮也然遇一邱一壑斷碣殘碑摩挲不忍置可與語者卽緇流不拒也定邑仁里首甲有

古刹曰臨江寺枕山帶水風景明秀寺建於宋國朝康熙間有老衲懇置香火田土頗廣里中狡黠者覬覦其業謀奪之訐訟不休徒侶不能守至僧本倫愈圯蕩無遺林木樵伐殆盡榱桷樓板戶牖靡完整寺前僅留礮土數武余履勘審結其案遂去舊僧招天旭爲寺住持天旭爲化城白雲二寺僧自卓錫於此蕩穢滌新發大願力越二年凡舊業之質當者悉返焉并捐錢九百五十六緡營上下兩殿東西兩廡繼又費千二百緡裝修佛像三神像二金碧輝煌聿壯厥觀寺鉅南充空渡場廿餘里爲定遠疆域水雲煙靄間瓊宮矗立亦足爲江山增色已夫天下精藍億萬計緇流億萬計其地其人可稱者千百之一二耳定遠僻居渝果間僧寺幾及百餘寺僧亦幾及百餘惟臨江其地天旭其人無塵俗氣推之恆河沙大千界翰管之士畚鍤之夫以逮商販牧豎林林總總求可與語者不數數觀况外於形骸之儔能致耳目之注豈不更難且所謂精藍者非得飽諳世法者撐持其間勢必日就頽壞藉令寺無天旭則將淪爲荒煙蔓草誰從區識之今則棟宇莊嚴頓改舊觀具見天旭之能忍耐有成釋教彌昌或轉爲儒流所弗逮余幸得與之遊亦自詡拔不虛因滌筆記

之命泐諸石鑿

清光緒末里人就地築市場商務漸啓寺右山深處有明御

史張引墓年久崩圯道光時知縣吳栻與鄉紳何蘇李庭興夏本中等募款崇封立石柱石獅各二墓之四周爲縣學田山土面積綦廣利於森林山後爲峭洞溝岩窪爲穴縱橫七八丈漸進漸低陰寒湫渟蓄陰氣襲人中多硝

故名硝洞或言洞有山魃時出爲祟故名魃洞外北山石壁間有微窩直徑約五寸斑苔繡澀雨漬成痕髣髴人形民國九年有村童芻其下瞥見異之喧於外以爲神好事者徻狂嚙語談人隱事遐邇浪傳每三六九月進禱者男女塞涂香火霧結積年釀金萬餘建廟置田里中豪猾因便箕歛官府莫之禁鄉民失學迷謬至斯司教育者之咎也

又十里至三角沱蘇家浩水西來入之

江水由臨江寺東行山勢愈高上峙諸峯童頂各戴奇石如孩如猴如車蓋不一厥狀嵌空獻秀倒映江波五里至鑼鼓浩竹樹濃陰中有茅店商旅曉行恆駐車於此小憩晨餐又五里至三角沱納蘇家浩西來之水成直角形水自三溪口流入源不一在縣境者出蓬溪屬蓬南場嵐峯山下合諸溝澮水過鳳翔寺東流十餘里經南充縣屬之三元橋上有小溝水南來入之其水源出走馬場白兔坪經花垣牆至楊家橋交蓬溪境自此下老鷹岩二里許溝旁有巨石長丈餘上有手掌痕約數尺俗呼仙人掌亦一異也又下行

至獅子橋東屬縣境西屬蓬溪又交南充界下行里許入大溪交三元橋轉南行一里至弋河壩兩岸俱縣境右岸里許卽高石寺一名寶瓶山高峻陁絕若無路可升舊築爲砦寺冠厥頂坦平宏麗清曠絕塵爲走馬鄉西面屏蔽下有學田二坊道光時寺僧明泰施出左岸半里有沙帽山砦小而固水由弋河壩東南行七里有大弓橋七洞曰七星橋爲往安福場必由之道卽舊塘站之榨石灘也兩岸岫岫沃壤多稼下一里爲會仙橋又一里爲三星橋踰橋半里卽走馬場設有高初小校及女初小校各一所東面臨水又小溪西環至場南首出弓橋入大溪下行半里過平橋百餘步有白石崖洞塘溝二小水西南來至紅土地合流入焉白石崖一名白象山東隅有梵宇與高石寺對峙崢嶸雄偉西望白兔坪平隰桑麻蔚然蒼翠去東南八里爲洞塘溝溝上有巖壁鐫蟠龍夭矯有勢石洞幽窅滴泉甘冽中寬丈餘跌坐大士像道光中劉某性仁孝病瀕危夢老嫗授藥服之立愈次夕復夢嫗至叩

以居則曰神仙洞吾所棲也洞因以名里人率於是禱雨結樓亭其上用備

遊觀右里許爲鳳臺山廟閎壯多名宦鄉賢匾額遒茂可觀設有初小校四
周皆學田共二百餘畝爲昔年楊胡二姓施出今堂龕猶供其木主誌不忘
也由寺右轉小溪口緣大溪迤東行半里夾岸修竹萬竿漣漪瀆翠晴天日
暮有鳥飛翔萬千叢集鳴聲清脆人語不聞土人麾之不去號曰雀林大溪
又屈曲東行十里至卷耳子受雙河口東來小水水源一出龍洞溝一出大
河堰各流五六里而合又五里過爛弓橋橋西五龍坡有砦小而堅又三里
入大溪由卷耳子屈壯轉西行一里過平橋又轉北行二里至天星橋石人
山峙其東舊志載山上兩石屹立高三丈餘狀如人形俗有石公石母之稱
蓋地質學所謂砂層岩歲久斑駁孤存一卷其輪廓適與人身頭頸肩背逼
肖近視無奇稍遠則鋒稜露削如漢官摺笏冠帶肅然遠至十餘里外則微
陽清霧中有將軍降世現出丈八金身觀者神悚踰嶺而北半山中有寺明
宏治十五年建今設初小校一所殿宇金碧參差疊上如造七層寶塔山上
砦柵堅固陡絕如礪懸巖處峭石嶙峋爲傘形馬形而石筍則由山脚拔地

起尖圓森秀高與巖齊山後復有犀牛金花諸峯羅列攢拱清趣雅觀於斯
畢萃則造物之奇也天星橋北行三里至彬雅橋橋東有嶽

俗名
跳磴

六十四步

東北行三里至太平坑廣數十丈水深色綠其上陡狹有灘農人置筒車覓

短流長灌田百餘畝下三里受南充文雅橋小溪水又北行八里至三溪口

爲南充吉安場有大弓橋三洞東首屬縣地別有二溪自南充西北來會故

名三溪屆此波涂漸廣漁舟上下煙水瀾漫兩岸列峯參差流黛曲曲轉東

行南岸屬縣境北岸屬南充又八里至黃堰灘受砦坡溝北來小水又東行

四里至關津河過平橋下二里岸北屬南充交縣界以下七里水深闊而岸

繫繩行人牽繩而渡名扯渡河北有貓兒砦與臨江寺後諸山相接南則東

郎山高大廣平可居數百戶舊有砦爲烈面鄉西南屏障對面尖山如筆峭

勁凌霄岩秀可愛其前列玉屏山寺冠其上荔瓦蘿垣襟帶溪澗竹木巒娟

濃青遠映自扯渡下三里至石洞灘灘上有大小石洞數十光圓如甕密於

蜂窩有大平橋寬丈五長三十丈有奇爲渝果往來要道舊志載其地舊無

橋土人以木板數片架之每值夏秋水漲廣沒半里迂道上游六七里蹇裳而涉甚苦之清道光十一年合州商人吳永順捐修石橋寒暑督工不倦三年始竣落成日吳以勞病卽夕卒鄉人哀之卽橋頭建廟以祀灘下三里爲蘇家浩入大江

由走馬鄉七星橋西行三十里至南充安福場東首有街房廿餘間附場田二百餘畝舊爲縣屬平壤膏腴枕山面溪去場里許溪岸上有洞相傳清初有妖馬出洞其色白食人禾稼土人操梃兜逐之不能獲田且廢後有定遠楊道士至場自言能捕治夜匿洞側伺馬出追之馬躍入溪道士擊以鐃鉢投水化爲石圓如蓋覆其上妖遂絕時方勘川東北界土人請於官割其地籍定遠名曰白馬洞爲道士建廟今猶存場首立有初小校合其地南充蓬溪武勝公款而成名曰三邑校

舊志未載
今補入

江水由北而東而南至西關砦古漢初縣在焉又南行十里屬烈面溪有小水西來入之

三角沱西岸爲西關砦沱上爲西砦門依山嶺砌石堞寬丈餘高二三丈由北而南長一里有奇達鷓子沱爲東砦門砦形如葫蘆細勁便腹大江彎環圍繞縱橫二十里與岳池東關砦互爲犄角雙島雄峙如二太極圖居民患匪多避其中近達千戶憑山倚水耕稼自樂誠足匏弦邠謠園廬秦隱也自高石礮至此左岸皆南充界以下則交岳池境又東行十五里過桃竹寺灘左爲岳池油榨溪又下十二三里至傅家壩爲漢初舊城城址猶存中有墓相傳爲漢王墳或舊日墓碑殘缺剩有漢初字土人俗陋訛稱漢王地東南距合州一百九十四里西北距青居六十里與元和志寰宇記所載方向道里相合位置在西關下瀕江多水患與宋張唐英漢初學記亦合

記云仁宗皇帝慶歷中嘗

以三代之盛百工庶尹皆有經常法度之教以揉治民奇邪之性使趨於粹美此由其道素行於庠序而後施於朝廷故推有本源而無末流之弊於是詔建學於天下以覲濁治之汙而使之潔清鏗道之薄而使之淳一當是之時老輩晚生相與勉慕不荒不嬉漸捐去僻麗之習而薰灼乎彬郁之文未踰年獻議者以爲法令之明戎武之厲史事之幹此足以知天下被詩書禮樂但外爲藻繪非理世急務於是弦誦之聲復寂寥而無聞是不知三者雖於治不可闕然不可顯以治天下儻顯而行之則堯舜之仁不及商鞅之法禹

湯之教不及孫武之術用孔子之道不及李斯之智是用刀鋸戈矛簿書期會以待天下之士此豈享國久遠之謀哉蓋虎視之君拔本障原任己速亡之術也爲郡縣者誠能興之於已廢之後此豈不謂之適要哉合州漢初舊無學舍有破屋數間爲孔子廟地勢卑下歲嘗有江水浸漲之患治平二年冬進士吳元崇率邑之儒衣冠者各辦材甃工役之費易福源僧院之隙地重建孔子殿及創學齋四十間以爲諸生肄業之所縣令王周卿實董其事縣尉冉和以俸給二十萬爲綵繪之用君子謂是役也既得勸學尊道之要又和仁宗慶歷詔書之意學者誠能日於其中講六經之旨以及於九流百工而求其治心正身化民成俗之道予將見漢初之俗齊魯如也豈得徒侈土木之工以市好士之名哉

治平二年十月朔文林郎守祕書丞監
閩州商稅院市買稅鹽場張唐英記

今曠野平沙皆禾黍矣西南行五里至車

輪漕上有寺曰江陵成化十年碑載寺創於漢江危崖上有仙人洞多遺蹟
今其地竹木蓊蔚溪澗迴環傾崖瀉波蕩青揚素極登覽之勝下三里爲鶴
子沱沱上石壁間有無數凹窩鶴常集宿故以名沱又十里至烈面溪夾岸
綠漪柔蕙深邃市街迤傍西巖鴛瓦嶙嶙自山中出壁口山藥東河木材商
貨輯集交易頗繁爲河西巨鎮溪源二一出雙碑橋一出響水橋皆畎澮水
合流於順天砦下距江不及十里舊志稱源蓬溪誤入江處有橋道光中冉

大任捐修上有淳風寺縣立第二高小校在焉有校園四周竹樹繚以垣牆
東臨江北面溪皆危崖陡絕江風習習空氣鮮潔饒有清趣

知縣何承道由烈
鋪歸途詩云

晚風吹散竹林煙
閣閣蛙聲滿野田
乍暖村莊喧社鼓
夕陽兒女鬥魚船
高低麥穗綠盈眼
深淺菜花黃過肩
租稅已完春正好
居人疑是小游仙

又南行五里至觀音灘又十里至童家壩經沙溪口有水西來注焉

江水由烈面溪沿山行至觀音灘流狹而長乍緩乍急灘上為望鄉坪厥土

黑墳廣連千畝所產稻米不舂而白人爭市之南隅臨崖有古寺曰望鄉飛

閣凌霄麗若仙闕林光巖韻幽賞宜人明萬歷四十四年碑載東嶽神顯靈

於幼童劉尙喜故建明進士田大本書銓德殿三字匾額頗遒勁童家壩水

流經山下其源自白兔坪芋荷溝東行五里至洗布塘又五里過覺林寺下

又二里至半邊廟相傳清初有譚某自楚遷來負神像供此名天門大王時

廟半毀半存故名神多靈感至今香火報賽四時不絕光緒末鄉人接廟築

屋湊成市集乃由走馬鄉分出獨立為鄉廟下溪流屈曲東南行五里繞陳

宗祠過大弓橋西南行五里至觀音堂下四里至汪家橋有龍傘溝水西來
入之觀音堂南有山竦桀桀岩堅峻絕頂爲龍透寺明嘉靖間建寺後巖壁
間穿二穴前後相對形如半月遠望山凹有光如桃源洞口樵牧通徑上有
巨石橫亘虹橋飛跨長十餘丈空四五丈中建佛庵蔽曦虧月盛夏生寒蚤
莫鐘磬噌吰自巖腹出戛然清響水靜山空溪壑含翠稱靈境焉縣視學龐
孝植有遊穿岩詩云誰闢洪荒窟靈鼈負此山鑿開天一孔照見
月雙彎白鹿宵棲洞青牛曉渡關遊仙何處訪福地在人間龍傘溝上有三峯
峯堞完整各建有寺其第一峯拱圓若傘蓋號龍傘寺宋紹聖四年僧崇秀
建名天宮院明永樂三年重修更名龍蓋寺清時築岩發掘鑑公師塔志銘

Blank manuscript page with vertical columns.

鑿公道座塔銘

鑿公道座塔銘

十五年兩次遊方
十有八載回歸
當時成都遊
方地唯年有道之

士如何而已時人
有仕數年階俱
譽師則安用區區
數千里為師日不
必不遠遊之語

也階六遊耳
師為問四大都

至於經傳史

種種有饍飲食齋

邑人盧操臨摹書

民國八年立有高小校崖下有洞洞塑石佛龕前一井水清而涼里紳建廟

供之

知縣何承道宿龍傘寺詩云
雙手月樵歸擔葉一肩秋

時平關鼓靜山陬
上方鴉影添寒色

遙認禪關向晚投
僧起開門涼夕鐘聲出破樓
我與佛

緣清不寐起
尋詩思問銀甌

次曰昆盧中有石寶宋淳熙中建三曰雨臺建有塔森秀如筍

岩下皆鑿石為洞鐫佛像甚夥蓋古時大叢林也其地縱橫十數里段氏聚

族於斯甲第峩峩煙火相望珠憶僕從道相屬也汪家橋下三里至響水灘

西南受小池口大池口二水北受清涼溪溪上有青雲山舊為砦山南又二

小砦翼之鄉人多聚此避匪險可守由響水灘東行三里至永安橋受郝家

砦南來小溪水又東行五里過平橋岸西駟馬礮東即化成寺明正統九年

庚姓建景泰三年復修棟宇閔闕

乾隆中知縣周紹縉夜宿化成寺詩云薄暮鴉爭
宿支公正掩關雲隨禪杖立峯對寺門安自古生

如寄至今人不開
驅馬出龕影一燈寒

東距復興場三里場東南半里為觀音岩岫嶮峽束一

徑虵引又半里為傅家砦峭峻削壁足資保障轉由化成寺沿溪東行四里

至沙牛灘村田坦闊匹練橫拖碧浪秋盈澄空如鏡下一里為萬古橋長十

丈高五丈土人建廟其上兩端結亭設旅店以宿行客枕上溪聲湍湍疑雨
別饒清韵東行經望鄉寺山脚過敖家灘遶高關寺至大葫蘆小葫蘆蓋溪
流迴漩左右環抱如葫蘆形故受此名又東行三里至沙溪口入江沙溪古
漢初屬鎮明沙溪故里也

江水又東南行遶臨江砦下東關沱至麻柳礮南行釣船坡東岸岳池界盡入
縣界又南行至佛耳砦芋子溪水自西來注之

臨江砦四圍懸岩江環三面上廣平可住萬人咸豐滇寇亂遐邇來避者夥
至不能容下流經東關沱過鐵櫓灘張家灘至麻柳礮十里受朱家橋小溪
水自復興場之玉皇觀田澗合流東行五里來注又南行過釣船坡入冉家
壩東岸岳池境交縣界又南行六里至佛耳砦芋子溪水自西來注其源出

萬善場陽勝壩流經場首通小橋而南平衍青疇廣資灌溉

知縣何承道由萬善鄉返縣詩云

嚴飆淒以厲坐念僕夫疲見火知村近禁寒喚渡遲場後有初小校一所西北
秋深蟲語急風峭鶴巢危莫便嗟行役勞勞漸一時

八里有大悲寺巍峨閼殿弁冕山椒南五里爲四角崖有三砦姚樊二族先輩各營其一傍西小砦曰羅圍有古寺明本眞上人道行高絜安岳莫氏子師事之披薙於此正統間被召勅爲宗師今殿後夏無蠅蝨所遺白茨雙花薊澤馥郁特異他種民國初設小學其中前面有尖峯曰金子山下有學田舊志載大巖坡小巖坡四山相聯壁立數十仞明季之亂邑人避寇於此保全者衆卽此地也東去五里曰青巖寺高並羅圍明嘉靖二十一年建清乾隆六十年僧久也重建黃瓦丹甍翼然林表登樓四望繡壤平鋪蒼秀在目溪流由萬善場東北行五里至侯家砦又三里至關家堰又二里至會龍橋受郭家溝小水下二里爲板橋東行五里至阿家溝兩山峽束亂石磴磴又三里至芋子溪溪中有石橢圓光瑩狀類蹲鴟故名芋溪上有山四隅高而中平名中平山溪經山下行五里至佛耳崖入江

江水自佛耳砦南行二里至左岸龍女寺上之自生橋有米桶溝水南來入之米桶溝水源有二一源出復興寺後仙女洞洞深數里相傳清初時里人詣

洞借器物焚香虔禱桌凳具備歲旱祈雨亦應後雷磕洞崩僅露石隙不可入矣一源出袁家廟田水溢出匯注深溝兩山壁拱中流一綫八里許市街後曲繞螺獅堡出自生橋入江橋頭爲龍女寺建自明初嘉靖卅五年巡撫

劉漢儒題安瀾古蹟匾額龕塑龍女像座下有穴通大江隆冬水涸江中隱

約見石穴石梯傳爲龍女棲處

何志

清初有市民曉起累見奇妝女坐江心盤

石上褰裳而澣近視渺然乃於康熙五十九年鳩工培建廟將落成闕一柱

庀他材率不中度適江面漂獨木至尺寸密合迺取用之

探龍女寺碑記

道光庚子歲

寺中乩鸞著靈降丹經祕籍數十種間亦有詩文可誦寺有楹聯爲關帝鸞

書每幅十數字成於一筆豪邁飛舞墨蹟尙存當時教匪滋亂所示神諭多

力避妖異顛以修性修命覺民顧執者溺於長齋禁絕昏娶肇啓糾紛廣安

黎晚成始掾正其弊漸法圓融卽今各省同善社之祖派也寺右爲楊公祠

同治初建先是有方士來市言此地宜爲楊椒山立廟能使神降華鐙煌煌

障以輕紗果有須眉現影畫工圖之塑像於龕後邑令王聯堂勘案蒞場謁

忠愍祠誌曰是吾邑保陽祠像茲胡有此鄉人備述其事乃題詩四章刻石

座右

詩曰爲報君恩急奏章濡毫筆掃一壺霜已將黑獄成三字誰向青宮問二王前代山河無寸土先生俎豆遍遐方西風烈烈靈旗捲知有忠魂鎮渺茫慷慨龍鱗

手自批三年囹圄苦羈縻臨危畫策資良友代死陳書有烈妻仙籙傳聞天左右朝衣零落市東西丹心浩氣依然在碧血何曾化紫泥纔從夔道轉征輪一歲三遷竟殺身爲國

除奸先賊相舍生取義卽明神千言氣奮風雷壯兩疏光昭日月新擬鑄鈴山嵩父子庭前北面跪埃塵保陽幾度拜公祠立馬荒阡奠酒卮嘉水何年新廟貌蓉城當日舊須眉

此邦父老情何極共話滄桑事亦奇一瓣心香虔報賽故鄉後學備官司按令與楊公同鄉蓉城爲保陽古名其句卽指保陽祠像 今父老猶侈談其

事蓋神可人通靈由嶽降而是地龍蟠深邃翠嶽空靈故多神異其半山中

有靈佛岩古名封山林又名佛涎溝嘉慶十一年建有廟近復補修院宇幽

淨清涼可滌煩慮

清知縣何承道龍女寺曉發詩云未曉僕先催孤鐙尙燼煤遠峯銜日出高樹引風迴節序銷磨老雲山跌蕩開壯心兼客感臨發

一低 山右曰靈臺曰陳家砦皆險絕其下有七星橋在市南上爲瑪腦崖壁

立千仞疑卽古之七星關元李進攻宋兵於此其時定遠未立縣元兵亦不能越縣至渠而元史李進傳謂爲巴渠水環堡東流未免混誤馬腦崖上爲

郁馬坪卽明時郁馬里四面厓翬中阜高闊縱橫四五里田皆膏腴舊築爲大砦後以難守區爲三小砦巨族何姓明以來土著於茲世多文學士當虬鸞盛行時曾詣壇聯吟綴對云

江水由龍女寺東流十里屬石盤沱

江左自傅家溝交縣界經銅佛店至清水溪源不遠流逕石盤沱崇庸市集中有觀音寺明萬歷十八年建清嘉慶二年十二月教匪擾縣屯寺中將作

筏渡江忽水湧數尺遂止人以爲靈增置鏡田

清舉人劉豎甲撰碑文曰寺初無祀田自山主劉楊氏捐鎗始有其

地碑載曰竹壩子厥後虛耗侵漁不殖將落彭達邦排而擠之彭公必政進止益公而言曰文契公執大事公任領袖公擇公剛止其勿辭於是道光十年有萬壽宮之田彭成繳

周文高在焉今讀其碑君子謂彭公知人自此始矣十八年又得劉蕭氏田與其勞者時則有若陳天元彭必嘉張廷彥咸豐元年派廟內各會助資若干又得劉朝盛田襄其成者時則有若譚光正鄭光有監登發於是衆將銘焉益公曰膏腴雖增疆域未匯苟規其勢銘勿後不幸公卒六年益公之子朝榮與伯兄光泰做元年之規而理之得張劉二姓

土於是族中將先人所施河土大段出立施白而歸焉界是以完二公曰是不可以不誌且前有兩契其功不可沒也若總會其地可悉載之是界也自刹之左背行萬壽宮踰豬

市入道口達溝坎曲轉陌上行而目之大江之心義渡之旁皆爲寺有惟彭宅後大土一幅散處墳左而已七年春榮公指地日前人之功不在是乎并囑序余歸而識之兼記前
後事以勸
有功者
沱下二里許爲大巖巖口有石如龜蛇狀北行五里爲大龍山又

東行九里有臥龍山和煉寺在其上碑載剏始於宋有真人煉丹於此明玄

虛道人撰有碑記

文曰和煉觀位邑之西北一名臥龍山隆然高峻蜿蜒環翠上多松竹梅蘭藤蘿梧杞之屬藜藜依附四時葱蘢浮嵐杳靄綠陰蔽天則

斯境之勝也且北通果郡東達渝州縉紳名流冠蓋咸集於此登臨四顧荒煙蔓草中殘碑猶存摩挲讀之始知肇啓於宋世傳爲真人煉丹處故山以是名至正時老僧義朗隱

號太空與顯清同來栖遲卜隱斯土剪荆棘度荒原規畫草創逮我國初高僧正山重山有道行感衆信善各以財施修建永生樓阻於勢機未弘也弘治甲子歲有淨觀號無相

者湯氏子也釋行儒心超出塵表財累巨萬罄所有以增舊制立山門及大雄殿設佛座塑三寶法像添東西廊廡燦列丹墀殿後復立法堂方丈未踰年落成天下名山得此豈

足多哉洎萬歷壬午年所歷多廟宇漸圯獸脊傾頽椽瓦脫落衆僧憂之會集通山老僧僉舉虛倫虛漢虛真以衆財力誘進十方檀那擇日鳩工土人陶人繪人木工石工同時

興作集合境之所施補先代之所建量工而命之計勞而食之度用而節之起春正訖中秋輪奐莊嚴墀甬整齊奕然光復自他有耀焉始事者太空繼之者正山重山重修者無

相茲復有碧雲善其後佛法之興未有艾也余鈍根不諳佛法竊嘗聞釋典有心卽是佛之說心從何生又從何滅不生不滅是乃見性矧茲剏隆於古又盛於今誰使創之誰

使因之千百年後又誰爲繼之此皆聽其緣之自然過去心不可有現在心不可有將來心不可有斯亦不生不滅之徵驗也於是僧衆合掌曰善哉善哉子其爲我記之乃書鐫諸石亦青蠅附驥尾而致千里之意云爾

北十五里爲鼓匠鋪則圓石堡碧峯寺大田灣一帶峯巒攢簇綿亘數里其脈接岳池西境雲盤山有水淙淙出山下遵崖循嶺蜿蜒流十餘里入沱舊志所載柘子溪卽此水是也

又東下三十六里達沿口

江水繞石盤沱東下一里過打鑼灘夜靜水吼聲如鑼鳴故名南行三里逕許家砦又七里至沙窩子受右岸小溝水溝長三里上有高妙寺在郁馬坪南隅何氏嘗藉此館師教其子弟溝南爲文家砦峙大江上土人結茅半山竹柏清蔚俯瞰澄波饒有幽趣下有道佛寺建自前明瀕江屹立江水下行五里過紅石浪逕插旗山下繞故縣沱香柏岩迤東南行約十五里屈鱉灘又繞鄧家砦蕭家砦下三里達沿口此處濱江一帶每春夏初漲水面浮泡牧童截竹管銜接引火輒然蓋有機化學所謂迷也本炭輕氣化合與石

油流質同性古時臨印火井及今富順貢井皆此氣體發出若得新法掘取厥用至宏沿口爲通商鉅鎮廣岳出口地也在昔清平時代商船往來停泊江岸動以百計凡秦隴藥材湘鄂棉紗內江之糖本地之雜糧靡不捆載歸集居民千有餘家皆經商爲業商會設此民國後兵匪交躡稍衰歇矣市後有二山甃石爲礪民軍駐其上壽佛殿峙山麓縣立高小校在此初小校及女校各一近復建工廠出場首北行半里爲太平舖川東北衝衢街市宏闊明設驛丞清廢西行十二里爲泰山廟卽明泰山里清初邑中錢糧在此徵收廟有石坊明萬歷四年建左端山上有七星拱月石東行里許葉家山民聚成市八里爲金鳳山有寺曰龍鰲宋紹興十七年建寶塔高七丈刻石爲佛像正德四年重修明時名山之一也

沿口下流十四里過石梁灘白雁溪水自西來注

繇沿口下二里相傳有仙人橋潛臥江底秋冬水涸澄碧隱約可見洄者以深險不敢前東岸懸巖數十仞宋嘉祐時佛鐫像千餘趺踰半壁間而多數

皆無首後人因建以寺名千佛巖岩上爲白鶴觀明天順五年碑載古名封山鎮元至順間羅姓等建洪武初始改今名景泰五年鑿池建橋山門外復甃小池舊傳爲真人煉丹爐又南行三里西岸上爲永壽寺宋祥符三年建

嘉定九年鑑公和尚重修石壁鐫有明人海桃詩書法秀勁

分守譚璿字十山詩曰梵果遙從海

外來神僧移向寺中栽空聞度索千年熟漫道元都幾樹開紅雨未隨流水去緋衣疑自月宮回青田核在伊誰覓且共嘉賓數舉杯山寺桃開紅錦斑公餘登眺一凭欄僧云異

種傳杯渡我訝前身阿秀難散去色隨金砌變折來丹落玉瓶寒空門說相原非相付與吟壇帶酒看又分巡趙斌和憲副譚十山原韻詩云傳聞勝果自天來槎使移將佛地栽

色散玉姿擎露濕香含紅萼傍雲開秦源遺事翻猶幻漢綬流芳挽不回久客天涯驚物候且憑天豔醉啣杯海國昔年傳異種春風此日放雕欄繽紛爭羨天公巧甘脆能禁蜀

道難碧樹花然驚座煖穠枝冰澁透杯寒不須更上西王苑已把瑤花次第看遺搆丹艘猶存舊蹟叢林高阜頗饒風趣

其下爲白鶴灘又四里至石梯礪華封鄉所產米糧於此輸運五里抵石梁

灘波濤洶湧弗利舟楫西岸受白雁溪水溪邊多蘆荻秋後花繁如雪過雁

常棲故名一云先年有雙白燕來巢又名白燕九河鯉皆赤鱗獨此溪白鱗

每春乘水暖四方漁人均於此採魚苗養之易肥亦特產也溪源有五胥
由華封鄉來最遠者二一出鄉西北八里葫蘆嘴有心似溝水來匯溝上
有古刹曰佛壽岩設初級小校下有烏龜橋橋頭巨石如龜故名北流八
里至觀音橋由華封場北首繞場後迤東南行六里至花魚塘迤南五里
至般若寺受觀音山南來之水山高闊坦平舊築爲砦中有觀音廟宏壯
爽明可設學校山下二里有明季總鎮何某墓卽郁馬坪何氏之祖也堪
輿家稱爲鳳穴四周多平田水溢半里成溪流經萬鐘橋東行五里過錫
水橋上有仙峯嶺冠以道觀今作初小校二里至獅子橋又四里至錫福
溝迤南四里至迴龍橋受天星橋小溪水又曲行五里至般若寺交會寺
建於明天順二年土人以合流迴折又稱爲波折寺岫橋鬱翠巖芳醮波
古殿幽深有悅禪性東行二里經銅椿寺右入江舊志載寺建於宋紹聖
間相傳永樂時有異僧來往不知所終殆建文帝由合至岳曾拄杖於此
耶寺外巖口有洞洞中有石牀其下有大洲明季鄉賢李永寧有碑記

其文云銅椿寺古刹也在定遠上游山峻峭高出雲表有奇石狀若繫物之椿故名銅椿山下有大洲橫亘江心周十餘里草色青翠歲寒不凋邑中八景之一曰平洲草色即此地也鄉中父老夙稱是洲爲巨航繫以銅椿堅固不拔故民殷物阜以是焉賴余嘗棲息其上見鼎碑臺砌零落剝剝惟石壁舊刊敏齋邱先生題咏亦磨滅不可卒讀僅有基址猶存鼎絕香之句字尙完好豈當元季兵燹而古物摧殘無遺耶洪爲我朝太祖高皇帝龍飛以來人樂太平至今八十餘年本邑會司僧名大巖惻然悲憫捨貲重建成殿宇三間東西楹房一十六間山門三間又修獅子像於中殿嗟乎如大巖者殆沙門之翹楚耶夫佛法清淨無爲奚必以像求求佛又奚必以廟顯不知人心易動動則易擾擾則不寧貧嗔癡愛肯由此生終身絡縛無復解脫一旦覩佛像之莊嚴佛堂之空闊則此心遂覺安定舒和一切渣滓塵慮皆悉掃除古先王之神道設教即此意也則茲寺之培植其功未可忘矣今之締造佇望將來之守成否則代遠年湮能保此地之不爲蘿蔓荆莽之場耶大巖感極而拜曰勉矣故記之

清時題

咏亦多

拔貢余國槐詩云峭壁孤峯古佛場侵門竹影半荒涼殘碑尙記州如舫斷句猶存縣絕香彼岸千尋撐寶筏長江一綫繫銅椿州山靈未肯湮名蹟留得

冬深草更芳知縣姜由範咏平洲草色詩云東風吹綠草芊芊深映峯頭淺映川十里波光三里岸一洲春色半洲煙平沙積翠疑無路遠渚浮青別有天寫入畫圖生意滿

嘉陵山水夕陽邊歲貢余宗靖詩云平洲如畫草如煙河畔青青一色聯出寺喜逢垂釣客繫航幸遇浣花天科名日兆杜旬鶴妙句年傳謝惠漣幾度馬嘶人喚渡隔江錯

認釣魚船靈山勝概於古有名今荒落矣

又下流三里逕武勝橋定遠舊城

武勝橋水自深山中流出雙澗交匯來源弗遠黃廷桂四川通志載橋在縣西北十三里源出蓬溪是以西溪混入東岸大誤今其地竹箭滿山出產頗

豐綠雲陰翳溪水紆迴

金木齋竹溪夜宿詩云十畝竹筠風葉語珠泉迸落霏香雨幽溪曲徑入深灣無數鴛鴦相對舞一夜西橋夢觀瀾四圍

環繞書琅玕酒醒始覺竹庵宿起弄瀟瀟碧月寒月色欹斜散紋綺亭亭庾影澄波洗明朝歌嘯出疏林剪取寒雲半溪水

明李英子孩世居故里橋築堅整石縫皆鎔鐵灌入踰橋上行道路宏闊坂

石堅厚為明李氏營建二百年來尚完好未傾橋之北麓李氏族葬諸墓石

標具存纍纍荒阡殘煙冷寂蓋當明季兵燹其子孫遷徙留籍者寥寥無幾

矣有趙昂書祥符王宇撰李英碑銘

文云余友李君永寧一日持乃考行狀詣余請曰孤先考苞醇履潔望隆一鄉卽世之年

孤方幼穉是以基列迄茲無述每一念至五內傷靈今永寧幸賴先人遺訓得官京輦顯揚恩命例蒙賁及茲欲鐫德歸植未有銘章願丐子一言以圖不沒余力弗獲辭按公狀

諱英字時傑世爲蜀之定遠人少失怙恃無伯叔兄弟相比附筑筑子立悉心家務幹蠱有方用能致匱於豐資產日裕爲人性真行介尙氣重諾鄉隣有競事赴輒處其平彼此咸釋遇後生端良者必折輩下之或不可於意面刺正斥弗憚長老赴急調乏盡力無倦且於是非不雷同以規隨流俗也宣德初邑人嘗有殄倫麗法不可原釋者邑令佐欲鬻其獄訟名里人拯脫時公亦在召獨毅然不直其事雖竟不能奪衆亦爲憚由是邑官里士並口一談謂之筆直以其爲人無徧狗也讀書不治章句暇則延儒紳與商論古今他務不經念也嘗置酒家庭忽泣然謂諸子曰吾家世寒素祖考俱有隱德吾以少嬰孤苦艱難立家弗克振起恒用怛疚今汝兄弟坐享吾成獨無可以光大家門償吾夙願者雖然季子頗翹穎其在斯乎於是禮遣永寧入鄉校復戒之曰若旣拔秀凡民列於士林矣邀嬉自便愧負厥稱可乎必勗勵爾志恢崇爾業以奮跡騰聲滿副吾願而張吾宗庶無歉耳永寧由此感勤於學卒由明經剡鄉薦登進士第授南京戶部江西清吏司主事清方通敏卓著賢名始永寧未第時數夢公衣冠若神人狀報示吉語屢獲顯應豈非父子一氣感通其勁直英爽之氣有不隨死而亡者歟公歿於宣德辛亥二月十一日得年五十二歲景泰二年十二月二十一日以永寧貴贈公如其官祖志祥考福海皆晦德弗耀配冷氏有淑行今封太安人子男四永恭永和永昌其季則永寧也女三長適張和次適邑庠生文翰次未適孫男十一女九嗚乎公初以童孤克締堂構秉直於躬受報於子可謂善而有徵矣法宜銘銘曰相克先民好是正直何彼後人寢以多僻隨釣獵顯操弦抵辟猗歟李公夙成令質矢棘其行脂韋是疾義動於鄉教嚴於室惜未登庸達於王國明

明上天報施靡爽俾昌負荷票纓華省致有褒嘉輝煌幽壤名秩優崇足彰厥饗睠彼佳城木已拱矣誄懿昭休曷維今始承慶俟時公有膚子及茲刊珉匪除伊亟我儀銘之用

告無

唐順之撰李暉墓表

文曰運使李君正父以書請表其父守拙翁之墓余聞正父介士也其治鹽於淮也潔已奉職絲粟無所染然君猶

自以身處利權非平生所以孜孜好修之意時時快然余夙叨鮑契知其爲人於是許其請且慰之以書曰古固有飲泉見志者固有在脂膏中不能自潤者獨何人耶官不擇職

可爲爲之矣而二子爲最著豈不以投之叢穢可嫌之地而後矚然不淄者益可得而見也君其毋爲快快然未幾乃入覲以老罷嗚乎其潔也遠於染雖不爲世所嫌其介也近

於迂宜亦不爲世所喜然則李君以老得罷夫何怪也雖然罷不罷於李君無所損益然於世所以愛惜人才之道其何如哉李君爲吏旣不容於時又無以表其先人傳美之至

意終無以勸善也遂就筆而爲之書曰守拙翁諱暉字元慶蜀之定遠人也李之先封承德卽諱英者於守拙翁爲大父舉進士歷官潮州桂林兩郡諱永寧者於翁爲父至翁有

子兩人長邦直爲知縣其次運使邦表也邦表爲戶部主事翁始贈爲主事邦表爲郎中而翁又始贈郎中自英至邦表而以布衣至封翁者兩世其爲布衣也大率有處士之行

其爲吏也大率有清白之節人於是多李氏云守拙翁自父桂林公爲南京戶部主事時以省覲往來吳蜀萬里間所經郡縣雖父執鄉里未嘗所干謁或知而踪跡之翁亦逡巡

固避疾驅出其境蓋不欲以資糧與馬溷人也桂林公聞之心獨喜成化初盜起蜀中里人有慮某者以白金寄翁盜旣息還其金其人謝曰非君則此盡爲盜資矣請得而中分

之翁笑曰吾豈以寄金爲利券也哉桂林公嘗令翁出粟以貸鄉人時歲飢不能償翁悉取其券書焚之桂林公喜曰此吾意也翁氣度汪洋與物無忤然性本剛介縣令某嘗高翁之義數請賓於鄉飲翁曰鄉飲以尙德也今與此者果皆其人乎吾安用與若等伍竟不肯就其自少涉獵諸書通大旨作字端楷平生未嘗草書卽匆劇亦然嘗曰朱子小學大人之事備矣雖終身銘可也居家力爲孝弟自桂林公歿雖白首語及桂林公輒變色泣下至錄遺言不敢失其治家內外齊肅自少至老動遵禮法凡天道陰晴人事應接按日而書於曆七八十年事歷歷如一日少不可對人言者運使君之叙述若此此吾所謂處士之行而知運使君之樹立有自也嗟乎士不必達要之無憾於心事親不必高爵厚祿爲顯揚要之善成其志向使運使君染指以自肥或脂韋拳踞巧伺捷趨以自容於世縱得高爵厚祿爲鄉里兒儒所矜使守拙翁有知其樂乎否也然則君之歸也其亦可以慰翁於地下矣乎此余之所敢辭而爲君書也翁先娶劉氏知縣成之女繼娶丁氏主簿鏞之女卒於正德甲戌正月十九日年八十有二墓葬於邑之武勝橋祖墓之次葬之日乙丑歲十二月二十日也今爲表則距翁二十有八年嘉靖甲戌歲也

皆書法逾茂尙可摩挲餘則石麟顛仆草泮

苔封不可辨識西下二里卽定遠舊治元初設縣後升爲州尋降爲縣取永

遠安定之義故名定遠包山麓爲城官署據山巔因水漲石崩損壞民廬嘉

靖三十年乃遷廟壩卽今治右爲封山一名天生寨明時建忠定書院

碑載定遠

封山有忠定之祠祀先生作序刻石予誌先生乃明御史蘇郡盧縣人也其人德節足型因建祠爲公世祀時邑侯嘉惠我來學以公祠爲書院云云文殘闕忠定姓名卒無考

北行五里爲武勝山舊名飛龍峯元至元四年總帥汪良臣請立砦於母章

德山以當釣魚之衝卽此山石爲仙人山相傳古時仙人對弈石上手痕足

跡宛然北五里有放生池池中每長紅蓮明李純樸有紅蓮橋記文佚無傳

前清並蒂開時恒兆科名邑今繪爲嘉蓮圖廣徵題詠

四川鹽茶道吳珩詩云昔覽宋書符瑞志七紀

嘉蓮開並蒂又聞唐內神龍寺百官表賀雙蓮瑞同苞駢萼生豈常盛德所感斯獻祥寫入嘉陵圖中畫幻出天池水面香神君衍績敷花縣陶菊鄭榆栽已偏甘澤溥如夏雨施

華萃忽向秋波現一時艷賞追華林瑞應端由和氣深不是長友清似水那能靜友結同心我未見花卻見畫錦簇花團擊作對影比湘娥倚玉肩情疑漢女聯珠佩體湖靈植久

無遺難得祥鍾半畝池已賽木蓮圍錦堞更誇雪菖產峨眉詩成愧今池址猶存
乏青蓮句頌瑞猶能恣豪素桑擢連枝麥兩歧他年再爲元絃賦

由舊縣南行十里繞右岸西山砦過馬灘沿山直流而下

西山距縣城關外十里爲北門鎖鑰來脈散緩至江濱總束崢嶸突起若蒼

龍昂首雄視大江勢欲飛渡明嘉靖寇亂有李氏弟兄五人率里人結砦自衛號五虎砦賊犯累敗懸崖石洞中鑄有嘉靖五年大破賊匪八字清嘉慶間教匪渡江邑民避此保全者以數萬計絕頂有廟曰南禪寺琳宮紺碧巖然煙靄中叢樹濃青標空獨秀清時宿儒多就此設講席今立有初小校誠佳境也循岸南行三里屹立礮樓爲民國十年知事藍象康獲賭罰金所建是爲西山到縣城咽喉之地其臨巖屢屢處有觀音閣簷牙斗拱層層倒映江波客坐憑欄清濤奔放足底江天一覽風月宜人爲城外幽賞名區前志載乾隆四十三年重建廟塑張秀音像秀音張聖相女幼具慧眼說佛法晝夜不倦及笄隨兄嫂入寺自陞佛座談經如故月餘不食來觀者日以萬計後沒葬城內觀音寺屢著靈異乞丐楊天祥素孝病寤夜夢神授丹丸按其筋脈次日遂痊邑令孫熙有記咸豐十一年五月初六日逆賊何國樞圍城禱於神神示以十三日破城乃賊驕蹇宴樂以俟十一日黃公淳熙兵至半日殺賊五萬餘救城鄉數十萬人由是男婦赴秀觀音酬恩者日有數千至

香火猶盛

按合州舉人馮鎮巒紅椒山房筆記載秀音係魚精憑式不知何據民國五年縣紳醮三千金增建樓閣落成之日江面有羣魚數萬頭昂首向寺若朝

賀狀亦一異也夫祭不欲諂何論淫祠然果能爲生民捍災禦患則祀之也亦宜

又南流五里逕縣城北門有鹽灘溪水自北來注之

鹽灘爲河東第一大溪齊召南水道提綱謂爲岳池水顧氏方輿紀要謂爲靈溪水由岳池南流入定遠境注於嘉陵江二說皆合乃黃廷桂四川通志稱溪在縣東十里源出蓬溪自郁馬坪入縣境則當日地望舛隔采聽偶疏亦圖經依附之通弊也實則溪源岳池南逕五撐水入縣界其地兩岸壁立中間逼狹以手量之僅五撐因受斯名左岸有石洞深丈餘劫匪擄人恒匿其中顧寧人謂山深地曠流移逋逃易於嘯聚信然曩歲防軍陶紹楨率兵往捕獲多匪槍決鄉人稱快上爲簡家坪高原廣陌田舍縱橫則縣北邊鄙也由溪右行五里爲天保砦三里至三教寺古名紫崖山又二里至何家觀遂達新場場始靛於乾隆庚子間地據高原青疇沃野禾黍芄芄場中有三

聖宮比邱僧蒔以花木可資遊憩

清知縣何承道夜宿三聖宮詩云檐帷遙接梵王宮貝葉聲聲飯後鐘解脫胸頭無限憾却忘

身在輭紅中銀河斜耿夜初長食納西窗一席涼月乍上階風乍到不知花處但聞香又由新場夜發至沿口詩云宵發趁涼身迎人樹四鄰夜泉啼似魅怪石立疑人遠火忽

明滅客程無舊新天邊一輪月照我若爲親

南下七里經獅子坡應山舖至車家灣嶽崖阻險不利行人道光中邑令車

申田督土人鑿石通道故以車名民國九年黔軍駐新場據此爲要害地靈

溪水自五擇水南流五里至孔家橋三里至黃平橋橋東三里爲寶臺山明

崇禎七年碑載地爲唐時白廟故址清康熙七年建寺因其地險修築砦牆

東行五里爲伍家巖嘉慶五年李繼昌堵教匪殉難處也南行十餘里至飛

龍寺明正統元年建宏治六年重修寺前一井雖歲旱可供千人吸飲故又

名寶泉寺寺後爲文昌宮入飛龍場場右又一大井甘涼沁脾可除厲疫左

爲洗布塘先年染織家恒於此澣布其色最鮮十里至藏經寺

明時爲飛鳳山

嘉靖二一

十九年建又折行十里至大乘庵康熙四十五年修又南十里至高峯寺

明時名元

真寺

五里至玉皇觀又五里至長安寺

明時名玉鑑寺嘉靖年建

又五里至葉家庵

明時名資福寺萬曆時建

七

里至廟壩流域滋潤田極肥美稻莖壯碩不爲風偃亦特產也二里至高洞洞在危崖峭壁間深不可測碑載明代洞中有精怪常爲民害明龔廉妻石氏刻佛像鎮之其子任學官翰林侍中復建大士廟名靈應寺今居民於此祈雨亦頗驗應西四里爲白兔坪二里爲萬壽寺清康熙十年修其地三面削壁因壘爲寨下爲孫家洞山拱蓋如弓覆罩空穴多蝙蝠其大如笠外砌石爲牆門中廣數畝可容百人民國時鄉民藉此避匪清鄉時匪又遁此避兵利其險也靈溪水又流逕十餘里歷陸家觀音橋西折至永溪橋有石灘如堤溪上農家鑿石爲溝結筒車引水灌田他處用蹀車或施桔槔沿溪數十里皆然因其地平故取水亦易酈道元所謂旱則藉以爲漑雨則不遏其流是也下流爲斜灘沱沱中多魚巨口細鱗游泳不絕漁人利之民國六年縣紳陳駿臬楊秀峯等劃溪上下百餘里剝漁業公司呈准立案後以扞阻罷廢士論惜之下一里爲楊公橋明嘉靖二十八年太山里人楊璿及其妻

謝氏捐修左岸榕陰下一碑亭明進士張引爲序磨滅不可讀惟柱聯云萬
壑波澄浮夜月一溪霧捲鎖晴虹田大本題書法朗潤橋東五里有華嚴寺
明萬歷十六年建設有初小校橋西一里爲龍會山今名耆婆寺上殿剏於
明中殿有鐵佛相傳清時自龍王沱水底尋出移置寺中下爲鳳臺鋪村店
數十家亦有亭館溪上平橋古木垂陰清流譜曲蓋往來行旅之佳憩也今
俗呼爲三溪鋪以靈溪水至此又得二小水一源出岳池西境老母寺入縣
界五里至黃家橋西北原隰鱗接餘波灌澗農穫豐收又東流三里至老堰
口小橋與靈溪水會一源出岳池和興場陽山觀流六十里至三溪口入縣
界五里至姚家橋七里至鄧家橋里許至踏水橋及獅子橋橋西有山聖興
寺踞其巔景泰五年建有石坊前後鑿池亭水跨以虹橋明嘉靖十三年碑
載寺始唐代有聖燈出現錫名聖燈禪院洪武十三年勅賜度牒僧無方華
嚴經一部明代邑名山有八此亦其一民國初元悉燬於匪存者僅三椽覽
者勝憾焉西行八里爲報慈寺始於元至元三年明成化十二年重修地

饒林木柯葉陰蔚適愜幽賞折而東迴八里逕碾盤山大佛寺巖刻古佛高二丈餘下有大橋橋上游爲千石溝是名和溪溪上有寺明隆慶五年碑載寺始後周至宋紹興重建明崇禎元年始名水佛寺有城垣遺蹟卽和溪廢縣也寺有明進士王應熊碑稱治北和溪鎮爲定之墟蓋和溪當宋時由鎮升縣後縣廢而仍爲鎮屬於定遠今岳池因其距近而以和溪爲古縣名誤矣和溪過大橋里許至落洞岩絕壁下深淵潭潭闊數十丈飛瀑湍射怪石森立怒激成煙出潭五里至觀音岩岩下橫橋通岳池要道下郭家橋再下土地橋近岸築有石堰蓄水防荒又五里歷白雲橋至龍王沱又一小溪水自新場平安砦廖家溝田水溢出流五里至車家灣下七里至弓橋入龍王沱明進士田大本故宅在焉照牆猶存下流三溪橋與靈溪水合流二里至新橋四里逕大灘灘闊數十丈長數百丈中有大圓石七名金銀石水搏石出金鏞聲晴久聞之必雨旁有山名和尚堡故老稱爲劉海戲蟾其對岸雙峯聳立曰紗帽石曰靈應山山下古井一碑跌立辭極俚質

辭曰鳳撲牡丹戀沙洲玉帶江水遠

橫流鐘馗暗點鐵紗
幅靈應山下占鰲頭
欵識剝落莫辨下爲舉人易觀易一龍故里溪縈此折流

三里至兔兒橋又三里至三溪灘一里至梧桐溪又三里至范灘橋一帶平

原俱有筒車灌田又二里受東北小水源出雲龍山崖壁巉削僅一徑可登

明天順元年建立觀音閣清康熙五十三年重修
明進士田大本著有燈田碑記
云世儒誦法孔子率詆毀老佛

余竊謂不然彼各洞了於身心性命曷嘗有異如今之分門通戶也卽如佛氏直視明心見性成佛所稱妙明妙固亦明誠誠明之旨其稱頓入漸入固亦性之反之之說也蓋

其登峯造頂後世咸宗師之老之徒尊爲仙佛之徒尊爲佛誦法孔子者尊爲聖總之天下之至聖云爾自後初祖以祖燈一燄立宗一鏡相傳燈燈相續其流布人者有傳燈有

普燈有續燈今其書俱在則祖燈固至今在也佛發大慈悲心憫一切迷人欲盡發之覺路而不立文字於是立象以盡意故有祖燈以貽學也有人此與羲皇始立一奇一偶以

盡天地之蘊又何異也昔人以手指月而人因指見月夫指非月也有悟乎此者則指亦非指也而月亦非月也夫月亦燈也見燈者固卽見月也謂月之非燈而燈之非月是食

生物不化也泥月之爲月與燈之爲燈此與畫餅談河何異佛又不云牟尼珠乎此珠非燈非月亦燈亦月試從楞嚴指示阿羅稍見端而究不竟其旨引而不發然已躍然矣蓋

象教者言不盡意直俟人之了悟於象外耳余又見說最上一乘法以月之弦望朔晦爲立程未已也而以乾坤復始十二卦爲陰陽符合之候又未已也而曰不刻分子午無交

定乾坤此皆以月象也固卽其以燈象也余願學人由漸入頓由明入妙悟牟尼之珠識祖燈之燄則言燈言月可也不言燈不言月可也了此意者破黑暗世界卽兩曜無功矣先父紹國公舊有映天僧買燈田一坵根一升一合爲寺之燈火計今世世四時不斷余恐歷久而田土有侵觸者謀立碑以紀之

水自山北岩下流

過寶峯山繞萬壽寺歷八里至獨巍山翠聳雲霄巍然獨出絕頂有寺寺中

大石屹立有無數小穴下若承盤相傳穴嘗出米可供僧食後僧貪得鑿穴

放大米遂絕故又名出米山康熙間增飾丹堊綠柯交蔭可供遊覽水緣山

下流二里至鳴鐘塘會靈溪水相傳溪中有鐘自華蓋飛來沉於水底水面

有小草簇青漲落俱現羣魚團聚其間久晴雨輒聞鐘鳴故以名塘左岸建

寺靈溪水由寺門外流里許下魚子橋緣左家高坡十餘里至響水灘瀑布

數十丈響達遠邨久晴久雨時泉與風激聲逾壯烈其地水曲如環居民設

水碾多處可省人力十餘里至三溪寺寺下有灘居民鑿石引水倒流又名倒

流灘明李純樸與周方義讀書其上以爲流水曲觸致足樂也緣此至斷橋

六里至雙叉河五里至余家橋有漏灘水自北來注灘有橋長六丈闊四丈

高五丈皆巨石連續天然生成故名自生橋有危岩溪水伏出鄉賢范元音居廬在其上下爲老鷹岩有石如罄相傳無心擊之則鳴岩下三里至雲峯

寺小河壩二里至賀家堰繞清明砦出對口溪至三河壩與靈溪水合又一

小溪源出圓山山有二峯明萬歷二十八年進士張廷美於左峯山上建玉

霄觀俗名圓山觀在右峯者名圓山寺明名資福寺相傳清初山下居名時聞鐘

罄聲從兩山中出亦奇乾隆辛卯舉人徐廷貴春遊圓山寺詩云峻嶺風迴疾春深雪正融草分仙島綠花映佛龕紅寺影雙珠並山光一鏡通

遨遊三五輩遠眺白雲中杖策春風裏山花傍路多岩空懸寶鏡寺古墜山螺地僻僧疏懶林幽鳥詠歌登臨清興滿何事羨鳴珂水沿山下流二里

至樂善場八里至余家橋下三河壩會靈溪水又苦竹溪水自岳池縣太平

場至縣境猛山寺二里至義和場十里經黑炭溝游家堰七里至乾弓橋地名

花鼓塘小溪中一圓潭深三丈餘岩覆其上昔賢有水流聲似鼓風到漩成花

之句縉此流二里至鳳仙橋下水碓灘前人鑿石爲白剗木爲杵設機引水

用以舂粟五里至觀音橋又五里至弓橋隨苦竹溪下石岩元憲宗六年薛塔

喇海從世祖攻釣魚山苦竹崖大林平又張巴圖從憲宗攻蜀釣魚苦竹二

壘苦竹卽此又九里至山西堂明名祈邱寺進士田大本建清雍正壬午南

京僧大錯重修寺左爲明按察使田大年墓有尖峯高三丈餘森秀若筆描

寫煙嵐彌增恣態

王志列爲八景之一文筆奇峯邑令姜由範詩云蜀東山水各爭奇靈秀攢天筆一枝十丈孤峯撐瘦骨一彎新月掃纖眉雲霞燦

爛摩空起科第連綿豫兆基多士攀躋須努力他年揮灑侍丹墀舉人王志灼詩云城東六十里天開文筆峯借問山靈意班超何處封溪水又流八里至

雙星舖再五里兩岸多苦竹苦竹溪得名在此四川通志謂源出麻油山前

志謂源出縣之紫雲臺大都按圖索驥莫明真象故其說各異此地溪深而

曲秋冬之交水色漣漪嫋嫋千竿參差掩映風韻不在淇泉下也

姜由範詩云大地雲

陰狹處收竹聲瑟瑟櫓聲柔半橋流水通幽徑夾岸蒼烟護小舟一色波光濃似酒半篙人影淡於秋淇泉風韻依然在綠到嘉陵古渡頭舉人王志灼詩云苦節不可負虛心誠

足取綺漪溪水又流二里至高橋五里至長磴子三里至三步磴岩石自結闕甘一碧涵春雨

門旅塗通過天然扼險又二里至梅蘭溪掇馨纈艷雅稱佳名又二里至余

家橋與靈溪水匯於三河壩又花市溪水自東北來匯源出樂善場長順塘石灘下水匯中自生一井常有虹霓吐出旁一石穴深窅莫測水繇此流入鍋底蕩三里至達人橋四里興福寺築有砦夏氏聚族而居勤儉雍睦匪不能犯下有潭潭中有石名水磨石見則大雨歲旱祈雨農人輒施以桔槔排水出石風雨驟至今呼爲水磨灘下有平橋流十餘里繞大小鳳凰寺至觀音寺殿宇宏闊清末文學唐嗣健集資設高小校於此邑中辦學之最先者又二里至天馬寺八里由麻子河至大石橋對岸爲普賢巖水沿岸流二里爲文家弓橋又三里由二搯岩老橋至蓮花嘴與靈溪水合流半里繞任村坪大砦民國反正初城鄉不睦鄉人聚衆駐此後經蜀軍政府委安撫使王夢蘭至縣雙方解決砦下爲踏水橋深灣瀆水上有無數村落竹樹扶疏恬波潏影自上游余家橋至此以下小舟數十載行客往來附帶雜糧輸運其下八里至張家灘砦有水碾水磨爲民利用二里至橋壩灘灘左爲馬龍岩岩高數十丈上有磨盤石以手觸之則動又一里至街子壩平壤高腴厥田上上

東去五里爲老龍洞豁露半山中奔泉注瀉旱則官紳輒往祈禱石刻萬歷

崇禎最多清知縣孫熙李玉宣先後有記

孫熙記曰嘉慶二年閏六月彌不雨高低田禾焦枯待斃徧禱神祠迄無響應

正恐懇悚惶問刑史屈某鞠躬進曰邑東善提岩畔有老龍洞焉自唐以來刻石祈雨歲月可徵公曷弗往禱余乃齋戒沐浴於月之十四日黎明率僚吏紳耆前往陳詞甫至山麓陰雲蒸蒸四合拜跪方畢甘澍霏微比返中途傾洞滿湃若決江河而下注一時懽聲

戰道余亦不知衣履之濕也是日也自辰達申溝澮皆盈噫神之惠我士庶願如是之感應弗爽哉爰鑿神像以答神庥並誌靈異於不朽云 李玉宣記云縣治東二十里許有老龍洞焉水石相搏聲如洪鐘或曰水從大江來龍吟其中故名老龍洞或曰山澤通氣

蒸雲成雨明萬歷間嘗禱雨於其地而前任孫復齋先生亦以靈泉普濟額之信乎龍之爲靈昭昭也而神於是式憑矣予既蒞任之明年夏大旱邦人大恐因潔齋致禱焉甫反而雷雨忽作高低田水盈尺人遂謂刺史雨予曰此非人之所能爲也天也予安敢貪天之功以爲己功乎爰告同寅諸公各捐金若干剏修龍神祠而邑人亦傾囊相助蓋答神

庥也卽以明樂從者之衆也雖然予有爲茲上告者神之在天下如水之在地中無往不在亦有感卽通使茲土之民皆善也則雨暘時若書大有而歌屢豐如其人之不善也則旱乾水溢卽良有司不能爲功天道無私

常與善人請徧示之以爲日舍封翁勸 靈溪絲街子壩流五里至柏樹壩別有

花石溪水由武勝山發源來注

四川通志戰花石溪在縣東二里源出岳池縣自黃溪舖入縣界西南流四十里入江響壁虛造不知何

花石溪水由武勝山發源來注

據二里由高筍坡至鹽灘溪顧景范謂溪舊有鹽泉故名在今縣北關對岸
入嘉陵江有沙磧障水曲流不直向縣城衝決則其年科目必盛明遷縣時
建樓於上名卜科樓當時有鹽灘沙磧開金榜卜科樓前賀舉人之謠清後
棲廢嘉慶丁卯春知縣王鐘鈞於北門外築屏牆以蔽灘水是年秋闈無中
式者時論大譁亟議毀之事不徵諸實理乃篤信風水之說吁其惑已

江水經縣北關下繞城三面沿南壩直流任婆小溪水來注

任婆溪源出鷄公山下田水溢出合流處地如龍首上有大石長丈餘肖鯉
魚形又名龍頭溪西北八里新學場跨隴岡上市小而高午後鄉人始集

清知

縣何承道晚宿新學場詩云新綠壓牆頭茅檐客暫投梅炎初入夏松響颯如秋燈影三
更榻風聲一角樓此邦何所戀彈指四年留重來纔十日榕樹綠彌蒼白鳥雨千點暗螢

秋一房風鑪燒苦竹宵鼓護新秧政美吾還暇籠紗詠草堂又由新學場晚回縣城詩云
蕎花如雪稻青青兩部田畦不斷聲天色乍晴泥滑澁夕陽同我入山城沿隄迎面晚風

和豆麥家家曬滿坡五里一村三里店酒樓春較去年多
山脈分二支偏南出爲雲霧山徧東出爲象鼻嶺

咸豐十一年黃淳熙率湘勇剿賊覘定遠形勢卽此嶺上右爲雞公山縣城

後山由此發脈東四里逕唐家場疑卽明時之唐村里僅茅屋數椽無市集也又東五里下祖師殿過天臺山超坐虎石達秀觀音峯巒層疊十里而至縣城左翼別伸一山逼臨江岸上爲老關廟今半圯矣廟後半里一亭孤秀峙高峯名曰接脈樓距樓半里卽縣城江水逕其下環繞三面有義渡四市散人歸扁舟載月舊志稱曰環江晚渡蓋八景之一也

知縣姜由範詩云渡頭舟揖望離迷多少歸人

過柳隄波冷沙寒篙影亂江半岸曲水痕低櫓聲款乃驚鷗夢夜色昏黃聽馬蹄待月登城間眺望漁鏡幾點盡橋西舉人王鏞步元韻云日影昏黃路影迷紛紛喚渡白沙隄春江水暖船行緩夾岸山高月照低釣罷人歸魚亂躍鞍勞客倦馬長嘶招招舟子知何處小魯亭東苦竹西雲霧山從西北諸阜攢簇而

來峽凹處極低突起豐隆巍然天半周覽四方厥頂有廟曰青山寺清光緒三年舉人田開文有記刻石

文云青山寺在虛無縹緲間爲邑西名勝冠來脈蜿蜒數十里突起干霄獨立升崇椒儼然去天尺五環覽遐方諸

山水羅列目前旁無陵阜聯屬惟東南隅距半里斜控數埳入嘉陵江似長鯨吸川勢其爲神之樂棲人之共託也亦宜故寺與若並修振古如茲常則舉祈報變則庇室家一舉而兩善備故邑志載寺建於明天啓五年逮我朝雍正五年迺重修迄今百餘年矣廟市藥類神光閣淡鄉人修祀事目擊心惻議欲整理之爰募同人得數百緡爲之鳩工庀材

振傾圮飾金碧輝神像閱數月而前中後三殿皆煥然一新焉憶咸豐壬子冬予嘗從靖溪先生遊於斯備覽其勝輒覺煙光嵐氣時時飄入襟帶間今歲主講印山書院時值補修事歲紳耆來問序於余因載數語以志賀并以質諸山靈中學生龐孝曾遊雲霧山僧寺詩云登臨絕頂淨朝嗽上界星辰手欲捫野關地疑天外盡山空雲向樹頭奔穿崖藤蔓迷牆堞映日松枝掩寺門翹首鄉園親舍近垂楊橋畔舊家村脫帽披襟轉法壇荒碑尋訪石華殘塵封蓮鉢僧容瘦雨潤苔龕佛脚寒齋僧曾經烹茶甲安禪誰爲設蒲團書

生自笑塵緣俗也
上空門挂一單

其東數峰禪聯形勢差低而螺青點點排列整齊中有打鼓

山舊志所謂山頂平圓其狀如鼓是也再東爲奶子山前出平岡有湧泉庵舊志載山頂有泉湧出故名創始於唐代逮明嘉靖甲寅邑人劉文政田時芳重修萬歷四十八年又重修蓋亦古刹也由打鼓山起伏十里結有高陵何

失名

妻洪夫人葬其下左出平原卽任婆橋溪流入江名任婆橋者以橋爲

明時任氏老婦所建也又縣城東江岸爲金榜山上有奎樓清知縣車申田建年久壞崩知事徐舒毀之取其木石營公園正東三里峯頂一巨石卓立

高四丈下尖銳如圓錐倒置終古不頽孤樹蟠其巔

前志列入景中稱曰立石
干霄知縣姜由範詩云忽

從空處現奇觀怪石干霄峙遠巒縹透本因山水秀孤高始覺天地寬低頭願作千回拜
頑性休將一例看俯視煙嵐齊聳翠劍峯森立碧雲端舉人王志灼詩云一卷能自立卓

煙霄際何人豎脊
爾梁應似此山勢

民國二年邑舉人李樹春立墓於石峯坎下四川民政長陳

廷傑爲撰墓誌其下蕩爲深壑輕瀾細湍覆以溪橋橋上曲徑通幽石屏洞

啓花木陰陰禪院清涼是爲東山明御史張一鯤建亭於此榜其名曰小魯

舊志載張一鯤著有東山
謠及小魯亭記今皆失傳

崇禎十年建寺立有石屏鐫措紳多名意者昔時醮

金落廟鄉飲恬嬉曾幾何年流冠蓋起村舍爲墟題名諸賢飄零何所滄桑

塵劫變幻刹羅撫念升沈良深感喟顧自清後寺復舊觀更爲因果迺二百

年來江山如故而礎崩棟折風景全殊矣幸積塵斑落間猶存周紹緒題詠

紹緒乾隆廿二年知縣也嘗遊東山寺詩云谷日春融曉氣清春光滿放一天晴野田冰
破牛蹄滑官樹風和鳥舌輕近水魚家常聚畧依山麥隴半成耕政閒不礙尋僧與時向

留題寺裏行舉人謝彥遊小魯亭詩云水鶴沙鷗相對閒筆牀茶竈供清班春遊蠟履隨
蒼兕夜泛漁舟迅白鷗閣遺退思橫北郭亭開小魯見東山抗懷先哲饒風雅贏得鳶魚

任往還天印高懸第一峯佳山水處卜垣墉雨晴樓閣羣飛燕風定波濤自臥
龍洞外花擎紅日上亭前草愛白雲封柏臺世代留芳跡太息先生不再逢

寺後里

許爲天印山勢甚崔嵬頂上平曠約三丈形如印篆

前志列入八景稱曰天印高懸

登臨其上

近則江水逶迤舟楫出沒遠則城郭參差萬家煙火如接目前極遊覽之勝概也印山之陽有九洞相連續每當曉日初升嵐光四射陵谷爲之變色明張一鯤讀書其中自號九洞居士萬歷丙戌進士張登仕著有九洞讀書記

記曰九洞卽印山巔之岩穴也小魯亭在洞之北予偕冢子鵬並二田讀書其中皆中少高才恐或放軼蕩檢相砥礪準於禮法且時方下帷爲舉子業務引繩切墨不爲詭御期

於中的而後止九洞中共六人四人者寢食其中其二人間一至焉憶當二月上浣予與冢子鵬步行至洞時天猶微寒掃洞設榻晚宿於小魯亭旁斗室夜大風雨亭搖搖撼動

雨從四面灑入提樸被起而塞之得少假寐侵曉雨歇同出亭前立河面上方遙望西山霽色見有擔囊負笈指點問印山者穿徑而至至則田子損之也晚出所攜酒共飲飲俱

醉越一日田子壽至喜並如前約無食言也相與把杯言歡又俱醉於是四人者晨夕相對吟唔不少輟亭中海棠及牡丹盛開時往年遊人接踵是歲皆從亭外望不肯入洞恐

擾書帷也四人者時或設席花底執書卷偃臥讀時或移案臨池摹古本法書明月既上浮白狂呼花片片墜杯內漏凡三下俱醉寢矣江城去洞半里許青帘數家隨沽卽至縣

令朱公喜四人苦讀時命奚奴送酒至亭以是花開時夕醉比花謝乃已然醉不廢讀或亭方午散行河畔四人者一攜笛一攜右軍帖一喜性命之學而攜宋人語錄予獨攜

彈弩左拓弓右握丸隔河彈洲上眠鷗以爲戲幸技拙彈近不至戕眠鷗生當是時岸上游蹤與舟中款乃相答往來不絕見四人者科頭跣足行桃李陰中皆以爲非塵世人云

入盛暑上弦時席坐荻岸久旱河流淺清泓可沐沐畢復坐坐復飲飲且醉開潺湲聲與石相激奔注而下則山雨新漲也坐洞中幾六年均登鄉榜次年春闈迫乃俱散去是年

冢子鵬成進士官御史越二年田子壽成進士官副使又十年仕與田損之成進士損之歷都給諫予則落落數奇以山水自娛仍不時至九洞視舊榻處九洞誠不負四人四人

亦不負九洞乃知書不可不真讀也嗚呼九洞猶昔也而亭則半圯矣雪案螢窗直昨日事耳今屈指二十年矣前此十年中已卽有貴賤死生之不侔後此者其可知哉不可知

哉清知縣姜由範詩云亭名小魯蟲峯巔天印如星絕頂懸九洞煙雲橫眼底一江蒼翠落樽前遙連古渡嵐光秀斜對山城月影圓幾度登臨頻弔古讀書遺蹟憶先賢又

邑歲貢余宗靖詩云洞外鶯花洞裏書嵐光遠映曉晴初華分湖口峯峯似烟繞秦州點點如萬里夢隨銅柱冷十年官久柏臺居幾番小魯亭前望明月清風滿石渠其

下爲龍嶺以江水中石肖龍形水涸石見則兆豐稔明萬歷人鐫石龍獻

瑞四字於壁嶺上鬱鬱葱葱致多佳氣前志列入八景曰龍嶺鬱青後江國

霖來縣爲書鬱青涵碧四字以壯其景知縣姜由範詩云石岩深處識潛龍百里嘉陵逗遠峯淘盡江波春有影嘯開雲氣

野無踪敢同化鯉稱神物也兆多魚慰上農破壁何年始飛去千秋遺跡水溶溶自龍嶺循江而行過觀音閣歷二里許

得一山土人呼爲塔坪山上建相印亭清光緒九年知縣錢保塘有記刻石

記云定遠縣城東門渡嘉陵江里許得一山土人呼爲塔坪山實無塔也光緒元年縣人王君鏞用堪輿家言謂建塔於上可卜縣中科名鼎盛乃約同志十餘人鳩資興工基甫

構爲浮議者所擾王君亦旋作畿輔令去事遂輟去年三月予攝宰縣事王君適解組歸來見議及斯舉謀建亭於塔基之上則費省而功易成不足請以公項助之余然其說於

是李君志仁王君俊逸何君惇誥凌君鐘英等任其事始於六月成於九月費白金二百兩有奇建亭三層高三丈巍然翼然俯瞰江濱遠近諸山環拱於亭之四面頗稱盛觀余

以亭左三里爲宰相山右二里爲天印山斯山介其中如相縈帶因名之曰相印亭落成之日邑人張燈亭上祀文昌星朝夕作樂觀者大悅不數日鄉試揭曉縣中果有登賢書

者人咸異之夫科名之興替視乎文學之盛衰昔人有言士苟明經取青紫如拾芥古今雖殊斯理不易堪輿家言烏足據今觀斯亭之成又何其言之適中也是殆邑中文運將

昌特以斯舉發其端耶予攝事年餘月試者九又舉行縣試不乏秀穎能文之士登斯亭也當有願名奮發敦品勤學致身通顯不恃科名以爲重者予受代將去願與邑人士勵

之卽以斯言爲左券可乎 由塔坪山右折迴東山寺行六七里卽舊志所稱屏風山與山

對峙者爲靴子巖一名平安寨清咸豐十一年滇賊入縣境寨被陷

寨首張玉山以

哥老通賊目何國樑往來甚密一日張至賊所何適外出其妻迎之入張窺其色容姝麗語以從賊非計女弗應有頃何歸具以告何仍陽爲交好陰實憾之詣寨給張曰吾將移

營有銀若干煩君珍藏異日定當厚報張許之何昇二箱置寨下先一小箱入果白鑑另有大箱滿貯石以繩挽之不起請開寨門扛入張又許之門甫半開賊速以箱塞入遂弗

能闖賊衆擁入殺張及徐國榜等十餘人時扑寨投火死者不可縷指寨之被陷由平玉山實爲厲階後鄉人白其事於縣令其田充公今黃公祠有叛產卽此田是也

安寨西行十二里至龍王塘沿涂平坦壤盡膏腴惟塘廣約二畝每遇微風

起時水波蕩漾飄飄欲流遊覽至此令人徘徊不忍去亦樂境也下有橋橋

上建屋數椽橋之左岸一小廟中塑龍王像土人稱此神屢著靈異塘因

此得名由塘右行二里爲石柱坪詳見前舊志引元和志九域志疑爲赤水廢縣故址誤矣再由石柱坪西

行五里至書巖環巖里許皆石壁鐫有前哲各體字以百數計合州彭世儀

著有碑記記云薌林書岩志載鉅州五十里人跡罕到無能言其詳者丁酉冬應山洪梅翁客合無奇不搜求薌林不可得友人張霽峯以尺素招余余大喜過望

書齋古懷忽觸徒步過霽峯別墅邀汪某與俱下月白岩北渡瓦子山循文昌閣而北約

十餘里行且問卒無知者蓋汪某過此已五年今重尋忽迷其處方黨悅時有五六童子

從林薄來訊其師則丁姓乃與至讀書處詢以林巖丁生指點其所薌蔚鬱舒曠如粵如一抹窳篠日光觸之紫翠重疊奇離隱現若遠若近促之偕往涉水登峯歷經村舍旁循曲洞不可連步見社池二字深鐫石壁攀附而上漸得平地則書巖二字朗朗薜苔斑如

自以爲得之矣乃遍尋無鄉林字心正訝之循巖而左得福壽康寧楷書筆勢遒勁有可觀者其右則思無邪公生明隸書爲大丞相溫國文正公遺蹟迺論社池字係李元庚刊石循東而下十餘步有仇池兩字池迹宛然忽得一洞水從石罅瀉出涓涓入小井清甘可飲生告余曰此仙人洞也洞旁鐫忠孝慈愛字逕二尺龍門鳳穴亦如之又有登金門上玉堂攀龍鱗附鳳翼十二字前瞰石開水涔滴有聲度而北有蒙泉風臺篆直逼斯籀其下嵌空多鶴跡白羽焉書巖之勝此爲最余欲窮其奇復遍尋所謂鄉林者於南巖得武功蘇唐卿竹鶴篆亦李元庚刊石青色青瑩堅緻如屏如甌山勢至此則折而西突兀崢嶸真書惟肖二字篆書道山二字進德修業懲忿窒慾八字皆隳篆巖壁巖徑未鑿削不可上又其西楷書蓬萊二字行書遊巖路三字巖之徑於是乎窮自社池至此摩挲賞鑒所辨識識字六十有奇其餘剝蝕猶夥地屬李氏或曰卽李陽冰所篆皆刻於是然亦不可攷矣日晡丁生留宿晨起復至其處搨數本墨盡乃止因思忠孝進德懲忿窒慾思無邪等勿論字法精妙其隨地取益正復不小豈僅以名勝目之耶元卿告余宋向子禔卜築清江遶屋種巖桂顏其堂曰鄉林此地無鄉林字蹟而舊志云云是與非何由辨余曰石鼓岫嶮文之最奇迨陵谷變遷可讀者有幾茲巖也蹂躪於元明之兵又消磨於田父野老之畊犁殘缺僅彌林字蹟耳他尙歷歷可紀如是非盈虧有數耶吾與二三子不虛此遊矣霽峯曰今地屬定遠子不言之詳恐遂湮沒後人欲尋軼事其孰從而考之余曰諾因備錄其問道所由以告夫欲往而不知其道者舊志列入八景稱曰書岩古篆知縣姜由範詩云峭壁層層列雁行搜奇採訪白雲鄉山林賴有圖書富風雨難消翰墨

香巨筆幾人留姓字大名從古重文章登臨我亦心儀久縱負詩才不敢狂 又知縣何承道偕同人訪書巖詩云書巖何峭闊憑弔李陽冰緩步幽溪險高談衆壑曆循途花引

騎探古客尋僧清絕蒙泉水吾心愧不曾 邑副榜何蘇詩云永和書法泐難尋幾字鐫空峙到今苔蘚未湮虫鳥跡風稜豈被雪霜侵搜岩應列高高上破壁端須淡淡臨司馬

陽冰何處是舉頭猶見古人心 隴門鳳穴皆奇境黷忿室慾亦好修那識先賢珍筆墨端留後人壯觀遊文成金石箴規炯字挾風霜歲月迺莫怪洛陽誇紙貴琅環策府重冥

搜 巖下有仙人洞闊丈餘居中一井深五尺泉水四時不竭故宋李元庚篆蒙

泉二字取山下出泉之義 繇書巖再西行二里至觀音寺又北行四里至到

馬寺古名龍靈寺折而南行四里抵真靜寺明萬歷十年高田氏建清康熙

四十三年住持僧如佩鳩工補修殿宇壯麗像繪森偉 拔貢黃萬鎰詩云傑閣憑欄四望通幔亭雲樓

玉華峯若非夙有煙霞 初屬街子鄉光緒季年康黎尹王四姓就近寺十餘甲骨安得仙山在部中

劃出獨立稱真靜鄉實無市集惟有初小校一所寺左五里爲海中寺明嘉

靖壬午僧泰輝建前有急湍後環溪水交波洄瀾激光鑑影亦足遊目騁懷

相傳明寺僧掘地得殘碑有海中山三字故得茲名去此五里爲金鑑寺清

雍正元年建左崖下兩石相承下銳上闊形如金鑪古人命名有類有象而於斯寺亦然

江水由任婆下經香爐灘折而東流六里西岸爲清平鎮清明寺在焉

清明寺剏自宋元豐時歷紹興及明成化萬歷間補修屢矣更名圓覺寺其地危崖數十仞石刻元祐丙寅八月十九日河南楊子安奉使夔部還朝與

覺林長老遂公同遊又都統楊良卿留題云沿山樓觀重重石徑縈紆始通

喜與勒師靜坐江聲莫亂松風

無名氏詩云石磴盤紆薄暮登枯松疎竹露層層江山如許誰同賞衣裊淋漓一醉僧又邑進士李純

樸記云定遠新治順流下十里古有鎮曰新明間有寺圓覺有觀西巖創自大宋元豐時厥址峻拔殿廊雲集據昔之石勒云沿山樓觀重重石徑縈紆始通又云西岩崇崇岩下

道宮蓋可徵矣迄至正年間蠶賊突起遂毀於兵我朝宣德初僧人續能自南來此第見形勝殊絕遺跡尙存乃白之鄉善悉力捐資始則創庵旣而構殿不數載而刹宇疊翠視

舊制益恢宏矣逮嘉靖戊子罹荒住持皆散食無有補葺者殿像仍傾圮剝落頓減舊規復得僧人惠安及正福惟訓修備起廢更建中殿塑佛像時厥功雖創始而尙未終事歷

萬歷元禩又得僧人正性倡首邑吏曹守禮弟兄憮然追感先人遺踪不忍蔑視其墜各捐所有爲重修計逾年而殿宇壯麗像繪森偉道塞宏廠煥然聿新較昔遠甚茲舉也僧

人惟祥檀那長者亦與有力焉是不可以或泯也乃丐余言以紀之然山川靈秀實產人文之區矧新明勝地又我新治之鎖峽有不容以默然者余昔遊圓覺見其碧嵐獻秀綠水呈奇俾人心目曠然以舒誠佳境也殿像猶未備舉今歲復遊乃適諸建告成奕然迥異仰以觀青山之峙則巍乎其崇俯以觀清溪之流則淵乎其深回以視嘉陵之城則翠乎其豐殆與我定遠新治不無小補然則諸善人之營積其有裨於我邑之人文乎尙可以佛氏之教而訥焉也耶是爲記

清康熙五十四年再

補寺前爲清平鎮蜀中名勝記載卽晉新明縣故址宋爲新明鎮清改今名

知縣何承道由清平鎮沿小路回縣詩云詰屈荒村半日程沿溪秋果翠生生恰愁路繞山環苦一抹紅旂已到城

市集日鄉稱繁盛自光緒

癸卯大水漂沒房屋後遂蕭條矣又舊志載寺後南溪上有唐雍侯墓土人呼爲天子墳石刻龍鳳備極工巧明初尙可辨識究之雍侯何人何以葬此黃庭桂通志不載蜀中名勝記載事弗詳今無從攷察矣

江水又由清平鎮東行八里西受藍溪水

藍溪舊志作南溪其源有二在縣境者出蓬溪之仙門鎮南流至高灘下一

泓湛碧深不可測東南至合川屬之二郎場

卽黃淳熙殉難處

五里至燕子窩八里

至趙家堰北入縣界又南行逕韓家壩過合定橋下萬家壩至雙河口約五里又入合川界下行二里至萬古場又二里受水口廟北來小水水源出山王廟左溝廟後里許有三教寺窰窟幽曠鄉人設工廠於此集平民子弟工讀兼課溝下轉十八灣約六里至四方碑過平橋受甘家溝水合流二里至水口廟交會廟後里許爲張家砦對峙有手把岩兩壁峽東路通一綫下爲勝水寺舊志載明時爲普賢庵崇禎五年建前有急湍聞水聲洪細可測雨晴寺後二里有燈籠石突兀特峻仄徑盤紆近年新築砦堡鄉民據險而居後於其下立初高小學由水口廟下行繞合川之王家壩凡八里出長河沱弓橋下入大溪下行三里至橋亭復入縣界自此以下南岸屬合川北岸屬縣境紆曲東南流十五里至馬家砦對岸梁箭灘與曹家溝居民一甲插入合川界中溝上高阜一巨石蹲立高約二丈中鐫大士像相傳石自清初隨大風飛來里人因覆以廟後有西商過境聞往覘之詫曰此吾鄉廟下石也失去久矣胡乃置此說本荒唐第其地爲土泥砂礫無此石質亦特異也溪

水自馬家岩下行三里直貫興龍場場中橋亭合武各半亭北有驛站官店
結構清雅園後有半月池花木濃陰有清一代畫帥名臣多過宿於此

清知縣何

承道興龍場旅店詩云黃雲望無際天與好豐年樵壓一肩葉炊香幾竈煙嫩涼新雨後
歸路曉風前遠簾榕陰綠人家夕照邊野色微茫裏前村遠見燈天光潭底活人語壑中

塵塵鞅倦行客煙鐘搖晚僧
入門先拂壁題句看誰曾

出場二里許有譚家岩爲防守要地場右有寺曰

龍泉當卽古漢初之龍泉鎮舊志謂因右左有古井故名嘉慶五年寺爲賊

燬後復修整其地斜伸參差溪水摺疊迴環似太極圖故又名太極山下行

三里受北來小溪水源出華封鄉之徐家灣流下深溝南行二里石佛洞在

其左又三里過雙河橋迤西至早禾堰平原繡壤苗實早熟故有此名四里

過倪家壩大弓橋又八里入大溪沿大溪下三里至任家灘長橋下觀音閣

自此曲屈東南行經包家壩大塘口花灘口合定橋水碾後而至高灘河約

二里屈至南岸踰合川境四里入董家溝爲縣屬地界包香爐山後大砦北

崖頭有石高三丈作長方形蹲弱質小礮上歲久不傾名曰鐙臺石有福果

岩玉皇觀二廟爲耆老鄉飲地居民二甲四至皆合川境圍繞中有二小溪合流至麻柳橋入合川界復曲流入高灘河長橋下三里至青魚塘又南行經

獅子岩迴龍廟香盤石凡二里而至姜家壩上連白鶴林朱曹二壩自打鐵

舖至幸家舖皆原疇坦闊縱橫萬餘畝每歲秋禾初熟穀氣蒸騰絕類成都

西壩禹貢厥田上上此足以當之縣界自壩中截分若緣溪上溯至興隆鄉

惟北岸爲縣境以下則南北兩岸皆屬合川復經合川會龍場繞祝家壩經

十餘里至顏家平橋止則兩岸始又爲縣境距顏家平橋北五里有山突起

卽舊志所載八爪山山陰有廟曰明興寺因明代所建而得斯名清康熙廿

三年重修折而東行三里乃溪水入江處稱藍溪口溪口之北茅屋數十間居

然市集名協和場然商旅不至徒有其名溪口之南爲寶蓮寺俗呼藍溪寺

舊志謂與大通寺隔江上下對立大通寺者江東岸古刹也自縣城東關外

渡江南行過八角亭清道光間知縣車申田建中繞清灘嘴至大通寺約十餘

里寺前濱大江後有長林懸崖幽谿光嫋寂徑身履其地致饒清曠明萬歷

塑朱衣神像義取培植文風

間僧本方捐資重修張一鯤碑記尙堪卒讀

記曰愚以天寒避居塾旁之閣有僧造之曰何僧曰大通寺之僧也曰何

來曰重修三殿完而請紀其事於石也因問寺建於何年重修於何年僧曰不知惟古佛旁碑磨滅而中有數字可識云至貞元祐不知何代徐氏堂前舍莊剝寺記其偁元祐殆

興於宋季乎然則元祐以前不可攷幻也元祐以後亦不可攷幻也今僧修之亦幻也爲僧記之又幻之幻者也僧曰不然遺記磨滅匠石攻文之未攻也倘有金石之作足以傳

之不朽奚其幻愚曰嘻然哉北寺嘗再過其地後有長林前有大江四面懸崖中平叢竹量地而中堪種植者數百畝愚因謂僧曰寺淨居也慮不淨爾今長林只來清風大江惟

過舟楫懸崖四布客之至者亦少叢竹堪映藝畝可觀真淨居也獨寺殿不修莊嚴未備覽者穢目耳今寺宗仰出己蓄之貲藉衆僧之力自王寅起工修一殿完以至二殿二殿

完以至三殿三年成功可謂速矣用功三年而不稍置此一難也佛像之完全碧之整此二難也不募自營而出己貲以自成功之速此三難也僧之用資可謂用於必用之地而

不用於不必用之地者乎今之私其財利美其衣食繕其私居視僧當相去萬萬矣愚異日必偕數僧經過其地親所創建必豎豐碑大書深刻以垂久遠勿令易爲磨滅如向所

謂幻者也僧得記唯唯而去又李作舟著大通寺重建正殿經樓大王殿碑文云絲漢而北嘉陵東下江畔菁蔥林木茂密有大通刹者故宋白馬鐘址也山景空濛顧盼靈絕

唇蛤異氣時蠹霄漢若乃月沉松逕江風自吹西望新明一帶妍瘦異態或獻或伏蓋悉心勝地也先是余受業先師田公偕二三兄弟朝夕其中時則僧寺本方者諱律宏教假

余精舍暨有四方之役言念山林實隔廿載比再遊而方公之徒宗仰傾資剏建不藉檀施官殿經閣隨其願力所至縱橫屈折無不盡意余每登藏經之室望飛錫之巔金枝夜

舒玉池朝霽射壑則倒霞千尺垂陰則映帶四圍因嘆方公振宗風於前宗仰絢寶坊於后天竺之教將於是乎興乃上人惕然不寧若慮夫桑滄之有時變而稗沙門之或起於

後也叩余曰茲地固卷石寸壑耳今幸豎尺寸若干楹若干拱並常住若干畝明公其猶念講習時哉幸藉諭之諸僧衆修淨業守祖戒毋或以息壤輸人隳經始者之勞夫象者

有不象者也幻者有不幻者也一草一木皆文殊身也藉令塵垢法界將毋祇園鹿苑盡罔象乎哉余味若言而有概海內諸僧郵一登空籍遊手食方之外文法所不治有司所

不問而不憚以身爲貪嗔盤據之藪蓋髮以外皆所不能捨者耳賢者自不如是夫佛事辟場師之種樹根莖而枝幹忘則照定則惠三世諸佛大抵禪心律行耳今諸僧由此而

尊敬佛卽一泥土不忘其於寺額若畫地而守爭爲法苑念卽精實微妙具是焉若其貌空寂墮塵障敝前勞而使所奉則法而不法遂當屏斥以申大雄氏之旨雖海蘇山芥此

約固不毀也何論目前吾輩以山水爲腸胃異時擔瓢其中見其景益邃而教益闡講業茲山者亦與有榮施哉贈紀歲月以當解帶 又清邑令周紹縉遊大通寺詩云講堂初

散現優曇不著袈裟佛許參一睡紅塵三萬日誰知來路是伽藍 寺後高原有砦去尋僧喜見眉寶珠一串大牟尼竺天有路原無著纔出山門路便歧

曰大通砦砦下民國初知事馮子謨墓廩生龐鑪峯撰有墓誌 文曰公諱鑒字子謨邑望族也

祖友臣以賈致富父寶城時髮逆犯順爲黃公淳熙擊破俘虜甚夥公任城防請當道勿多殺活人無算僉謂仁人必昌厥後公幼禱敏弱冠入縣庠鄉試鏖戰未售旋改捐湖南

新市巡政廳在任三載卓有政聲丁憂回籍邑宰浼以公事無何清鼎革邑人舉公知事
年餘政簡刑清因規避原籍辭職頤養公昆仲三均列鬻宮子二長莫陔入邑庠次薰陔
中學畢業女五適巨族衣冠一堂同居無間皆公之孝友慈祥所致也公生道光己酉三
月初七日亥時沒民國八年二月二十日辰時卜葬大通寺側銘曰公生也榮孝友性成
利及子孫
惟德之純

由大通寺東流五里逕龍王山又四里交合川界何家溪小水入焉

龍王山邑水口巨鎮也獨立江岸巖壁千尋明建閣於上今僅存故址天
將雨嘗有煙雲籠罩故土人每遇盛旱必於此望氣焉下四里爲何家溪
江東岸之屬於縣境者至此盡矣其西岸自銅鼓沱下觀音灘至皇帽石
過此則皆合川境雖有山水概置弗書懇侵越也

附縣境內橋梁堤堰

大

橋

河東距城九十里通岳池
要道乾隆五十四年修

武勝橋

河東距城十三里明
萬歷年間修載通志

永濟橋

西河

五里明天啓
建載通志

永古橋

河東距城五十里通岳
池要道乾隆十一年修

黃平橋

河東距城六十
里通岳池要道

孔家

礮河東距城九十里通岳池要道乾隆十八年修 **觀音礮**河東距城六十里通岳池要道清乾隆十一年修 **永濟礮**河東距城五十

里通岳池要道清乾隆二十四年修 **楊公礮**河東距城六十里通岳池要道清乾隆五十六年修 **三溪礮**河東距城五十里通岳池要道

清乾隆三十五年修 **新礮**河東距城四十里通岳池要道清乾隆五十三年修 **兔爾礮**河東距城五十里通岳池要道清嘉慶七年修

范灘礮河東距城七十二里通岳池要道 **三元礮**河東距城六十里通岳池要道清乾隆四十一年修 **魚子礮**河東距城五十

里通岳池要道清乾隆三十八年修 **接龍礮**河東距城一百二十里通南充要道清乾隆辛丑年修 **玉虹礮**河東距城三十里通南充

要道清雍正八年修 **人和礮**河東距城九十里通順慶要道清乾隆六年修 **佛仙礮**河東距城十五里通順慶要道乾隆甲申年修 **高**

礮河東距城六十里通岳池要道清乾隆七年修 **龍鳳礮**河東距城四十里通岳池要道乾隆甲申年修 **萬壽礮**河東距城四十里通

岳池要道清康熙五十五年修 **新礮**河東距城三十里通岳池要道清乾隆十二年修 **萬古礮**河西距城九十里通順慶要道乾隆

十年修 **賽金礮**河西距城八十里通順慶要道清乾隆三十年修 **鎮南礮**河西距城一百二十里通順慶要道嘉慶三十五年修

永安礮 河東距城一百里通岳池要道清雍正六年修
七星礮 河西距城一百二十里通順慶要道清乾隆四十八年修
倒石

礮 河西距城三十里東北要道康熙四十八年州牧姚公建更名永興橋
迴龍礮 河西距城十五里
任婆礮 河西距城十里明任

氏女
合定礮 河西距城九十里通順慶要道清乾隆己未年修
石硎礮 縣北距城九十里道光十一年合川民吳永順獨捐建修

費二千餘金
永濟礮 縣西北距城一百二十里通南充要道道光十五年邑人冉大任捐修值制憲巡閱過境深嘉尙之親題其名曰永濟橋
六

合礮 縣北距城一百里進光十二年冉大任捐修
積善礮 縣北距城九十里道光二十年冉大任捐修
福善礮 縣北

里道光十四年陳科元獨力建修
屢豐堰 新場車家灣巖上就小溪中砌石防水歲旱借以溉田
蔣家堰 新場場後塘水澄清四時

不竭雨足年豐土人以此爲浣衣之所一遇田禾焦枯即決此水灌溉至爲便利
乾堰塘 在飛龍鄉桐子巖上塘中水少故名
濫堰

口 在飛龍鄉高洞側年久就圯尙待發築

